

清史紀事本末

日本訂約

穆宗同治十年夏五月日本使臣伊達宗城柳原前光來議訂約命李鴻章為全權大臣與議於天津日本在東海中全國四面環海統四大島而為國所屬小島凡一千八百餘當川惠王時有盤武彥尊起日向國率師東征討平長髓及彥八十島映開山林營宮室遂遷都即位於大倭（即大和）之權原是為神武帝帝自漢武帝滅朝鮮始有驛使通漢建武中具委奴令作伊都古伯土縣（國王）遣使奉貢朔賀於漢光武帝賜以印綬安帝時又遣使獻其生口百六十人其皆出具國造（神武帝即位賜功臣推根津彥等以地名曰國造）之所為故非王室之所遣至獻帝朝神功皇后渡海攻新羅降之高麗百濟皆歸款後遂因高麗柳導數遣使朝於魏自西晉以至於南朝貢聘不絕皆受中國封拜隋煬帝世國書失辭煬帝仍遣使往報唐貞觀以還信使踵至遣僧侶學生留學於唐或有仕唐者當是時上自天時地理官制兵備暨乎典章制度語言文字至於飲食居處之細玩好遊戲之微無一不取法於大唐禮儀文物居然大備及昭宗國亂聘使渡海者多阻於兵不得達其參議管原道實採留中學僧中雅報告屢罷遣唐使五代及宋國交彼此皆絕元世祖混一志修窮兵東伐喪師十餘萬人築石砮於博多禁通商自是始有輕中國之心明太祖時張士誠方國珍餘黨導其奸民為寇出沒海上至嘉靖中尤猖獗北自遼海山東南抵閩浙東粵滿海之區皆罹其害四十二年總兵戚繼光俞大猷等合師大創之其患始漸息神宗之世其關白豐臣秀吉兩出兵侵朝鮮明師赴援皆失神秀吉卒日本始收兵還國後德川氏世執政

惟方欲以文治致太平故二百數十載彼此相安於無事咸豐同治以來其國迫於外患下詔變法廣事外交與泰西諸國立訂條約念與中國鄰近宜立通好以冀同心協力禦外侮乃於同治九年七月遣外務大臣柳原前光少臣花房義賢等齎外務卿書來中國與總理各國事務衙門預商通好事宜至天津謁見通商大臣成林總督李鴻章成林代為上書命留津候命總理衙門議復許通商不必換約前光再三力爭總理衙門始允與之訂約至是日日本特以大藏卿伊達宗城為正使來締盟約前光副之朔命鴻章為全權大臣辦理日本通商事務江蘇按察使吳曾時署津海關道陳欽隨同幫辦是為中日議約之始秋九月與日本訂約成先是日使柳原前光謁薩臣有以前明倭寇為辭奏請拒絕日本通商者李鴻章奏取之謂順治迄嘉道年間嘗與日本通市江浙設官商額船每歲購銅百萬斤咸豐以後蘇浙閩商往長崎貿易寄居者絡繹不絕論者拒絕之請於今昔時勢彼國事實蓋未深究今彼見泰西各國與中土立約彼亦援例而來設拒之太甚必因泰西介紹固請自不如就此時推誠相與彼使臣等來謁每稱欲與中國結好協力對外立言亦頗得體既允立約在前斷難拒絕於後云云時大學士兩江總督曾國藩亦上疏力爭其大致與鴻章摺中言相同且言彼或轉求西國介紹固請勢難中却即使外國前後恭維疑中國交際之道送而脅之則易於行成順而求之則難於修好又言日本素稱鄰邦非朝鮮琉球越南臣屬之比若不與泰西諸國之例待之彼將謂厚辱薄節積疑生嫌但約中不可載明比照泰西各國通例辦理尤不可載利益均沾等語遂條備載每國詳書不必為此簡帖含混之詞堅彼之實而索我之章疏入朝旨題之遂命鴻章與定修好條規十八條通商章程三十三款

附以中國日本海關稅則約成以中有不能盡同西約者宗城既歸日政府意尚欣望旋以事免

宗城官

十二年夏四月命北洋大臣李鴻章為換約大臣與日本全權大使副島種臣互換條規初十一年二月日本以外務大臣柳厚前光兼少辦務使（即四等公使）來議改約並齎有外務卿副島種臣大輔守島宗則致鴻章書略謂承訂條規謹奏聞允行惟去歲我國特派大臣使於歐西欲仿萬國通例議商改約將來改定條規中所載以己國法說斷己民等事必須更正故先商明又條規第二條遇事彼此相助從中調處之語兩國既結和議雖無此語亦有權可行應請裁撤第十一條帶刀之禁佩刀乃我國禮制若以入國問禁第交我國理事官檢束可耳不便明禁亦宜削去今特派前光等面陳冀與貴大臣時備文書往來擬議以為他日批單互換之地云云前光又陳通商章程所載進出口稅各條須議由日本海關按照成規抽收不必指明稅則鴻章謂前光曰日本與泰西改約成否未可知事果有成可以換約後再商海關收稅亦可屆時商辦帶刀之禁原慮細民滋事預為防範由理事官佈告禁令亦無不可待約滿時刪除至從中調處一語信如外務卿所謂各國均有此權但議約不載則可既載後裁將貽恥笑且語以萬國公法最忌失信今兩國於未換約之先遽爾遣員議改旋允旋悔於全權立約之命不幾相柄鑿而貽笑外人乎前光嚙嚙惶愧而退後其右大臣岩倉具視至泰西詰邦議改約於領事法權及海關稅則兩事終不得要領而還帶刀一事未幾亦從其外務少輔森有禮之議卒自行革禁至彼此調處之言中國不允裁撤頗受西人揶揄日人大慚迨十月間有秘魯國商船瑪利亞留士輪誘澳

門華民三百餘人載往其國傭工已而避風積滯外師虐工人工人憤而投水適英艦長挨仁摩泊此救之引出告神奈川縣廳種臣時為外務卿令扣留商船解放工人使告於中國中國遣同知陳福勳往謝撫工人歸日人旋於十一月以種臣為特命全權大使來換約種臣既至天津見鴻章自陳前此前光之來商改約非其本意云遂互換條規種臣旋入京與秦兩各國公使同覲見於紫光閣賀大婚及親政盛典並呈遞國書種臣既歸留前光為公使以井田讓為總理事管十五口商務品川忠道為理事駐上海兼管寧波鎮江九江漢口四處林道三郎為副理事管廣州瓊州湖州三處而駐於香港

十三年夏四月命船政大臣沈葆楨巡視臺灣兼辦各國通商事務先是十年十一月有琉球船遇颶風飄至臺灣為生番劫殺五十四人十二年二月日本小田縣民四名亦漂至遭害日本諸臣喜事者因謂生番計狠不可不肅懲特以生番孰番有異欲先質鯉界於中國會劉島種臣在北京乃寄諭種臣命詢臺地事種臣難於啓口因遣副使柳原前光往問總理衙門大臣毛昶熙董恂昶熙等答曰番民之殺琉民既聞其事害貴國人則我未之聞夫二島俱我屬土屬土之人相殺殺決固在於我我恤琉人自有措置何預貴國事而煩為過問琉球羣島在日本之西南與中之臺灣等處相對舊分山南山北中山三部各有王分領之明祖中山王尚氏統一琉球受明冊封世通朝貢順治入關以後稱臣入貢一如明制然同時亦朝貢於日本故當日前光大率琉球為日本版圖又具證小田縣民遇害狀且曰貴國已知恤琉人而不懲臺番者何也曰生番係化外之民我政府未便窮治前光曰生番害人貴國舍而不治然一民莫非赤子赤子遇害而不辟安

在為之父母。是以我邦將問罪島人。為盟好故。使某先告之。反覆論詰者累日。卒不能舉謀而去。是年三月。日廷乃以陸軍少將西鄉從道為都督。谷干城及海軍少將赤松則良為參軍。率兵赴臺。海軍少佐福島九成為廈門領事。兼管番事。別延美國人李仙得參謀。諭備英美船為運輸。而特命參議兼大藏卿大隈重信為總理。時美公使鑒斐迪。執局外中立之例。收還其船舶。人民之為日本所備役者。並令廈門領事。捕李先得等。英公使巴夏禮亦言日本此舉不合公法。中國必生異議。於是內閣大生紛議。急遣人馳諭於重信。令止軍行。且歸京。重信告從道。從道不奉命。曰。某當親持虜巢。斃而後已。萬一清國生異議。朝廷自臣等為亡命流賊。以覆之。可也。重信勸諭百端。從道不聽。即夜下令發師。重信電聞。日廷大憂。再傳內旨於長崎。從道憤然行。而廈門日領事九成亦書告閩督李鶴年。謂今將起師問罪於貴國化外之地。鶴年覆書。爭生番為中國屬地。請撤兵。隨疏以聞。令葆楨巡閱臺灣。調兵警備。冬十一月。沈葆楨奏。日本違約退兵。命妥善臺灣善後事宜。初。日本以英美公使有違言。所質船舶。悉解約還之。於是運糧調兵。皆失便。諸艦出發。兩月餘。始還臺灣之社寮港。分道進攻竹社。風日石門諸番。生番據險力拒。不能進。攻牡丹社亦不利。乃退守龜山。造都督府。設病院。修橋繕道。為屯田持久之計。葆楨抵臺。築砲臺於澎湖諸島。設海底電線於臺灣廈門間。購新式洋鎗三萬枝。於德調淮軍來臺。議購鐵甲艦於丹。防務既備。不先開釐端。仍成諭生番。諸社番人願遵約束。日人為之聲氣。又久屯龜山。以酷暑多病。疫棺棺相望。進退維谷。而是時赤松則良在上海。偵探馳報。巡撫朱凱奏。將兵二萬向臺。助戰守。日本大懼。遂於八月。以參議兼內務卿大久保利通為辦理全權大臣。來議臺事。九月。至天津。謁總理王。

大臣辯論番地所轄之經界。互相齟齬。逾兩旬不決。利通乃陽言歸國。再舉而陰託英公使威妥瑪出任調停。利通始要償軍需金三百萬圓。總理衙門以日本為無理橫肆。堅執不許。軍機大臣文祥執議。不給一錢。葆楨亦疏言。倭備難增。倭情漸怯。虛聲恫喝。莫我違就。求和。倘入其彀中。彼必得步進步。我但厚集兵力。無隙可乘。自必帖耳而去。請堅持定見。力為拒却。葆楨又遺書北洋大臣李鴻章。謂利通之來。其中情窘急。可想而知。然必欲示整肅。不肯遽就我範圍。是欲速之意。在彼。我既以逸待勞。以主待客。自不必急於行成。鴻章以告。廷議大韙之。已而以英使居間再三。乃終許撫恤籌補。限制撤兵。立約三條如下。(一)日本國此次所辦。原為保民義舉。清國不指以為不是。(二)前次所有過客難民之家。清國許給以撫卹銀十萬兩。日本所有在該處修道建房等件。清國領留自用。先行議定。籌補銀四十萬兩。(三)所有此事。兩國一切往來公文。彼此撤回。註銷。作為罷論。至該處生番。清國自行設法安為。約東簽約既定。利通歸。設日皇遣使於臺灣。詔班師。是役也。日本糜費六百餘萬圓。兵士疫死者甚眾。然是時已昌言琉球為其屬地。琉球難民被害。與清政府無涉。中國政府未之知也。越三年。日本廢琉球。夷為沖繩縣。中國政府始遣使與抗議。不得直。及中法越南新約定。日本援以為例。於是琉球羣島終歸日本矣。

清史紀事本末卷五十四

天津教案

穆宗同治九年夏五月天津人民毆斃法國領事樊致教堂命曾國藩馳往查辦基督教自唐建中二年始入中國所謂大秦景教者也及元至元二十七年羅馬教徒若望高未諾來使於元得元廷許可布教北京建禮堂迨明正德十二年日耳曼人路得創立新教曰耶穌教奉羅馬教者多幡然從之其流行中土之教會勢亦因之不振時有西班牙人羅耀拉目覩舊教中衰結合同志設耶穌伊德社欲轉入東洋力為俾布以再興舊教於中國於是義大利人利瑪竇泛海東來以萬曆八年至廣東二十八年入北京倡天主教朝官徐光啟李之藻輩習其說又從之譯受乾坤體義幾何原本測量法義諸書行世以是見重於神宗令傳於京師內外崇建禮堂利瑪竇卒德意志人湯若望繼至承其業明廷使當司天之任明鼎革若望勅命新朝世祖優禮之使掌教天監尊為通玄教師自治曆之外凡外交通譯及測量境土事悉以任之並許其設堂京師自為傳教故至康熙初年天主教感極一時全國信徒不下數十萬而此輩久居中土繪圖測鏡消息靈通遂萌覬覦之漸及乾嘉兩朝屢次下詔嚴禁其勢漸微自道光二十三年白門和議成傳教載入條約二十五年後猶法人之請通商各口皆設天主教堂入內地傳教之人地方官皆優待保護自是法人以天主護法自居在本國則逐之主政教分立之說在中國則祖之以為偵探我政俗攫取我利益之機關而中國教堂之禍從此始矣咸豐八年廣西西林知縣張鳴鳳處治法國傳教之馬神甫法領事訴於北京楓鳴鳳職同治元年湖南江西拆毀教堂各知縣革職並勒

限賠修。及嚴懲倡首之人。同時貴州殺害教士文乃爾等。巡撫回輿。起至於道光六年及八年。四川嚴斃教士馮弼樂李國兩案。皆懲犯備錄。而教民殺死平民。及姦擄焚殺首惡王學鼎。張添興等。雖已議罪。然不到案。其司鐸卓輔臣。糾眾殺斃國民趙永林二百餘名。地方官不能查辦。民人愈加忿激。仇教之事。遂紛然以起。是年四月。天津有匪人違揚人口。並傳言有挖眼剖心等事。據獲犯武蘭珍赴堂。指勘所居地方房屋。與原供不符。亦即帶犯歸。旋聞有民人在教堂口角爭毆。帶同武蘭珍赴堂。指勘所居地方房屋。與原供不符。亦即帶犯歸。旋聞有民人在教堂口角爭毆。正在派弁前往彈壓。忽豐大業洵來署中。向堂厚施放手鎗。並向知縣劉傑放槍。擊死知縣僕從一名。於是民人奮起。羣毆豐大業。致死。並焚毀教堂。拆毀仁慈堂。寺處。殺傷教民及自女數十人。又誤殺俄國商人三名。誤毀英美兩國講堂各一所。天津大擾。直隸總督曾國藩。時在病假。朝命馳赴天津查辦。六月。曾國藩奏。籌辦天津教案情形。請將誤斃俄商。及誤毀英美兩國講堂。先行議結。從之時。法人藉端要挾。聯英美以迫政府。其使甚奮。國藩知法人難以理喻。倘四國協以謀我。更難於對付。因請將俄商及英美講堂各項交涉。先行設法議結。不與法國牽混。詔令會同崇厚妥為商辦。以免轉轄。命崇厚出使法國。以成林辦理通商事務。時英法水師提督。已在大沽請示國主。北京政府聞之。深恐決裂。特派遠索厚前往法都。為道欵使。曾國藩奏查明津案大概情形。所有挖眼剖心之說。多屬虛誣。請旨通飭各省。以釋屢疑。允之。國藩抵津後。研訊教民違傷人口一節。王三雖捏供稱授樂與武蘭珍。然尚時供時翻。亦無教堂主使確據。至仁慈堂查出男女一百五十餘口。逐一訊供。均稱其家送至堂中奉養。並無擄拐情事。至挖眼剖心。當國藩初

入津郡。士民擱與遮。無不下數百餘起。及親加推問。無一能指實者。詢之天津城內外。亦無遺失幼孩控告之家。而民間紛紛言有眼盜蹤。由陳大帥自帶進京。大帥者俗間稱陳國瑞之名也。時以記名提督。奉召入京。統領神機營。又崇厚專弁到京。亦向總理衙門稱述是說。並有人奏津民焚燬教堂。由堂內起有人眼人心等物。呈交崇厚收執。且聞現已消滅等語。而國藩則謂殺孩燒屍。採生配藥。野番凶惡之族。尚不思為。而謂歐西文明各國。肯出此殘忍之行。以理決之。必無是事。况眼珠若至盈錢。則堂內必有千百無目之人。何無一人見。在即云殘害其屍。具又將何歸。即仁慈堂之說。其始意亦與中國育嬰堂養濟院略同。專以收卹窮民為主。每年所費銀兩甚鉅。彼以仁慈為名。而反受殘酷之據。宜其忿忿不平也。至人民之所以積疑生憤。其原因有五。一堂門終年扁閉。過於秘密。外人莫能窺測。厥後又堂中皆有地窖。津民未經目覩。但聞地窖深遠。各物皆幽閉其中。及國藩親詣調查。其為地窖。則為陽去潮濕。度置煤炭之用。中國人民有至仁慈堂治病者。往往被留不出。前任江西進賢知縣魏席珍之女賀魏氏。帶女入堂治病。久而不返。其父至婉勸回家。堅執不允。因謂其有藥迷喪本心。一仁慈堂收留無依子女。及疾病將死之人。又披教有施洗之說。施洗者。其人已死。教主以水沃其額而封其目。謂可升天堂。津民見其狀。及將死之人。聞其親洗新屍之眼。已堪詫異。又由他處車船致送來津者。動輒數十百人。但見其入而不見其出。不明何故。一堂中院落甚多。或唸經。或讀書。或傭工。或醫病。分頭而處。雖母子之間。往往終年而不相見。一是年四五月間。堂中死人過多。其掩埋又多以夜。或有兩屍三屍共一棺者。一日河東靈塚有為犬所發者。棺二。天津鎮中營游擊左寶貴等。曾經目覩。死人皆由內先腐。

此獨由外先腐胸腹糜爛腸肚外露由是浮言大起加以平日熟聞各處檄文揭帖之言已信為實而又積此種種疑竇。李鴻章恨迨至揚匪牽涉教堂。府縣赴堂查訊領事對官放槍。眾怒乃不可遏矣。國藩既查明以上根原。遂奏請明降諭旨。通飭各省俾知從前檄文揭帖所稱教民挖眼剖心戕害生民之說均係捏傳。布告天下。咸使聞知。一以雪教堂之冤。一以解士民之惑。並請將津人致疑之端宣示一二。其行凶首要各犯及乘機搶奪之徒已飭屬捕拏嚴懲。並調保定銘軍三千人駐紮靜海。以資彈壓。另片奏請將道府縣三員革職治罪。均奉旨照准。並飭令神機營統領記名臬司陳國瑞赴津總候查問。命毛昶熙前往天津會同曾國藩查辦事件。丁日昌幫同高辦李鴻章酌帶所部馳赴近畿一帶駐紮。初國藩開始教案立意與李厚分疎。不焚士民義憤蓋以粵捻初平宜堅持和局。不宜與鄰邦構釁。又慮四國合從收約。變不測。京師震驚。於是力主和平辦理。為教堂昭雪挖眼剖心之誣。以平其心。其焚毀各國教堂公館復提款興修。俄國誤傷三人均給予撫卹。而法使羅淑亞肆意要挾除懲犯若干人外必令府縣官及陳國瑞三人議拔國藩力拒之。疏言府縣官實無大過。送交刑部。已屬法重情輕。至陳國瑞不在事中。仍復曲徇所請。飭令朱京備質。彼若立意決裂。雖百請百從。難保無事。且外國論強弱不論是非。若中國有偷和議當易定。已令記名臬司丁日昌統帶張秋銘軍九千人拔赴滄州。以資防禦。並函高督辦陝西提師湖廣總督李鴻章酌帶郭松林等軍。剋日馳赴近畿一帶扼紮。並疏言善全和局。以為保民之道。備禦不虞。以為立國之本。詔嘉納之。而津民不知此義。遂以忌崇厚者怨國藩。內之又為政府頑固黨所播擊。呼為賣國賊。白簡紛紜。舉國攷按。張京湖廣會館且將國藩匾額拔除。推燒之。於是

崇厚懼事決裂。奏國藩病勢甚重。請罷免。而以鴻章代之。詔促鴻章迅赴京畿。並命沿江沿海各督撫嚴行戒備。八月。調曾國藩為兩江總督。李鴻章為直隸總督。時國藩辦理津案。已有眉目。擬於是月二十三日。先行奏結。而鴻章自保定行次上疏。言天津滋事各犯正法八人。與謀罪二十餘人。辦法不為不重。若殺戮太過。實為外人永遠之患。尤非各國厚待中國百姓之心。云云。總理衙門大疑之。於是奏請飭鴻章迅赴津任。適國藩繪卷至中。有此案棘手甚多。礙難拘守常例。不得不變通辦理。見訊明各犯。擬辦正犯者十五人。擬辦軍使者二十一人。將來第二批奏結。或再辦首從犯各數名。或與法人訂定抵償實數。由總理衙門議定行知等語。疏入。大行政府。意有所肯。其拘泥。謂此案情節定罪。惟當以供證為憑。期無枉縱。豈能豫為懸擬。強人就案。隨有旨飭鴻章迅速赴津。會同國藩崇厚督飭辦理。九月。以天津疏防。民敢起釁。革職知府張允澤。知縣劉傑發。往黑龍江。劾力贖罪。正法滋事人犯二十人。軍徒二十五人。光藻等違京後。刑部擬以違戍軍臺。奏上。命從重改發黑龍江。陳國瑞訊與津案無干。著免議。具滋事人民馮病子等十五名。及贖獲之劉二等五名。即行正法。小維王五等二十一名。及贖獲之鄧老等四名。分別發配安置。曾國藩辦案歸結後。即著來京陛見。李鴻章著仍駐天津。籌辦彈壓撫綏各事宜。崇厚著即馳期放洋。前往法國。表明惋惜。

清史紀事本末卷五十五

平靖滇回

文宗咸豐五年冬十二月雲南回民杜文秀起衆化繁據大理府提督請永昌死之先是滇省漢民覬覦永昌回族敗因於是勾結奸胥驟集地方官吏所有回民一律驅逐徼外回人失其故業往往聯結黔苗沿邊滋擾以逞報復至是推文秀為渠帥佔據大理府城永昌提兵迎擊兵潰致為所執

六年冬十二月諭雲南巡撫恒春剿辦滇回自滇回起事地方官知曲在漢民又因回衆勢大急專主撫回民藉求撫以信奸謀其實在省城者以訓導明慶鳳為內援尋向東川又倚吳維翰安之知縣潘楷汪之旭之狗庇於是層赴大理進規永昌賞首武進士馬名魁最為允件連破廣西州邱北平彝等縣焚殺尤慘大理紳民赴省請剿總督舒興阿任信門丁陳喜與巡捕施嘉瑞表裏為奸不予准理致回勢愈張事上聞命恒春迅籌捕派尋召舒興阿赴京以恒春代為雲貴總督

七年夏六月恒春自殺調吳振械為雲貴總督時回氛幾逼三遠復偏近省城恒春堵禦計窮懼甚夜與其妻傅為特氏在署自縊死命報械統帶川兵前往復命前任山東巡撫張亮基率師繼進尋被亮基雲南巡撫調湖南按察使徐之銘為雲南按察使冬十月軍雲南在籍侍郎黃琮御史寶琦職總督吳振械受命入滇沿途調查回漢起釁情形歸啓於滇紳黃琮等散帖告示倡議滅回致回民疑畏憤激而成請將琮等革職昭雪回民之冤其漢民有藉圍練為名肆行殺掠

者即以軍法從事。詔忠從之。聞者皆為琮等稱屈。

八年夏五月吳振械奏曰民就撫省城解嚴振械疏稱屯集城外之回民二萬餘咸已解散地方肅清實則回人固巡撫張亮基駐軍曲靖累破回家籍名受撫出具永不滋事甘結以請亮基入城後於城外別築一城以困之復誘殺亮基之姪自是滇事愈不可為矣。冬十一月吳振械因病解任以張亮基為雲貴總督徐之銘為雲南巡撫時振械受制回人亮基入城後亦為回人看守出入均難自主廷議以振械懦弱命解任以亮基代之而以之銘繼亮基為巡撫。

十年冬十月張亮基以病免調貴州巡撫劉源瀚為雲貴總督時亮基疏奏徐之銘以道員馬格齡知通海縣當於撫回復叛襲城時不應迎擊傷令格齡自盡量恣於布妄意以平回怒復因升任陝撫布政使鄧爾恆在滇時意主剿回候之侯爾恆行次曲靖陰使副將何有保截殺之詔下之銘回奏而之銘則奏稱回民假撫襲城格齡係在途次病故疾係被傷身死爾恆係行次曲靖被盜殺殺並自陳與亮基辦理回務意見不合帝為之罷免亮基以源瀚代之。

十一年秋七月召劉源瀚來京以安撫巡撫福濟調升雲貴總督時徐之銘為回人所利用亦遂扶回以自圖凡新任督撫入滇者之銘皆陰唆回人教策之或賄殺源瀚遂留川境不敢進且稱病乞休乃召源瀚還京以福濟代之福濟亦不抵任。

穆宗同治元年春三月徐之銘奏省城解圍回民既撫先是回人馬起等率眾連偏雲南省城有武生馬如龍呈稱力能解散請親赴各壘勸導之銘許之省圍立解並退出所據各城事聞詔嘉獎如龍命以總兵用。

二年春二月雲貴總督潘鐸為回衆所踐雲南自回變以來全省分數其據大理者曰杜文秀雖已罷斥而新授巡撫賈洪謨不敢入滇之銘為請回擁護托言無人接管踞位奏事如故德新益挾之以為傀儡之銘使德新招撫文秀許割大理永昌麗江三府地予之德新遂親至姚州議和文秀出示頭馬復初（德新字）已允分給迤西之地矣總兵馬如龍亦回中渠魁而傑伴奸關時潘鐸既受命督滇敵然入城欲力振威權安輯回滇而德新如龍驕倖不受羈勒頗難措手德新示意欲封平而王鐸嚴拒之如龍亦欲兼并迤東諸郡賤安土豪梁士美不厭糾衆守險如龍請別之鐸不許如龍復率所部往攻鐸檄士美國守又徵他郡團練中之與如龍為仇者使與士美合圖如龍之銘忌鐸立功故洩其謀於德新德新懼鐸並圖已密召回弁馬榮率黨二千餘入城駐五華山道路洶洶皆言榮反榮夙為鐸所信任故鐸終以榮不負已榮亦不忍於鐸未敢恣然其夜日出賸撫鐸親詣五華書院開諭今移屯城外榮已諾矣方登輿榮揖送其黨以矛登刺鐸榮趨後鐸已覺居民驚亂回黨絡繹入城並戕在籍兵部右侍郎黃琮等時布政使岑毓英以兵練千扼守潘署臬司以下皆避入馬城英因語於衆曰今賊雖入城吾當死戰破之如其不勝與公等鬪者自焚未晚也於是港血管師分兵守東南門用間離其黨而陰使使召如龍入操方總督之被戕也之銘迎德新入居總督署號令一切德新亦密召如龍敵與共討榮以示已非叛如龍初聞省城陷以為院司皆已戕比知潘署未失運軍馳入省諸紳民率團練至擊榮於城內大破之榮逃回武定之銘仍署總督如龍署提督事關之銘車職還京以林鴻年為提撫調勞

崇光為總督之銘卒倚回不行朝廷莫能治也

三年秋九月岑毓英攻克尋甸擒馬榮磔之冬十月岑毓英克曲靖擒馬勝磔之

五年夏四月岑崇光奏請以馬如龍專辦西路回股以岑毓英督攻諸拱菁海馬姑等處從之自徐之銘倚回自重盤踞滇中縱回殺戮萬恒潘輝於是前後新授督撫如劉澥瀾福濟賈洪塔林鴻年皆畏葸不敢進崇光自拜滇督之命兼程抵昆明儻屬倖倖俟進止或尼其出入崇光曰吾嘗軍騎入廣東島人萬計視之蔑如也豈憚叛回哉遂入城請回駭愕如龍率回弁乘輓迎入崇光語於眾曰滇回仇殺乃賊爾爾非軍務也益開誠布公以安反側如龍等意始安崇光用勲

英言用兵先東後西以免牽制因請以如龍辦大理一股毓英對諸拱菁一股得旨報可

六年春二月岑崇光卒以張凱高為雲貴總督劉嶽昭為雲南巡撫時徐之銘已死林鴻年追還川境不行詔奪職以徵昭補巡撫秋七月岑毓英攻援諸拱菁回巽進平海馬姑諸壘三省邊

界悉平毓英自攻克鎮雄州城障新回酋李開甲漆維新等之德復進剿諸拱菁初陶新春據海馬姑紅屋尖山山壁立斗絕大河帶其前為道一線攀援而登一夫抗險萬人莫進敵中呼為鐵桶江山黨類日衆山隘不能容陶新春復分據諸拱菁其地界滇黔川三省之交八山環合三面豁然惟青松梁一面為往來之便絕頂孤峯勢凌霄漢三泉下注瀝山麓為河敵人分據山險山下沃壤曰吳家屯屯有間道可達海馬姑外有二龍關大丫口小丫口三隘堅壘密布出掠進守據巖自如惟大瀾口一隘徑路險僻毓英令部將張保和林守懷領二千人在由大瀾口徑抄出二龍關後掩襲吳家屯自督三千人攻二龍關皆明敵傾巢出拒戰方酣忽聞後軍礮聲震天敵

營田鞫兩軍失擊三隘皆下遂奪吳家屯新獲馬其海馬姑敵眾來援敵英要擊於中途大破之
皆潰走又令部將蔡棟劉重慶分軍圍劉海馬姑亦克其紅屋尖山敵援斷遂逼騎拱背老巢敵
擊千餘斤巨石皆礮破松脂引火於蒂自山傾墜下又驅牛馬衝其插壘二十餘營敵英親搏戰
新得敵炮始却進營山半敵英令於營前掘深坑敵用前法來攻石盡落坑中軍士無所傷敵計窮
堅守不出敵實多保人保俗連袂蹈敵相唱和敵英令保人之從軍者徧山環歌諷以解散敵中
聞歌而逸者為餘人保目大紅袍來降敵英用其計破敵新敵二萬生擒其大元帥陶新春等川
督駱秉章聞捷使人犒師點檢敵屍築為京觀是役也彼兩軍戰狀者皆咋舌遂合劉海馬姑新
陶新春盡平其壘三省邊境肅清計自儲拱背至滅敵僅百二十四日耳

七年春三月張凱高以規避軍職擢劉焜昭為雲貴總督岑毓英為雲南巡撫夏閏四月岑毓
英連破石虎關回壘克復呈貢武定元謀祿勳羅次晉寧澂江等城先是迤西回酋柱文秀乘毓
英督兵進出傾巢下犯眾數十萬連陷二十餘城省城戒嚴毓英自儲拱背凱旋曲靖聞警倍道
來援於是年二月連破大小石壩小板橋古庭庵金馬寺數十壘追駐警水關策應各路馬如龍
來會涼海率回之費已恒恆不安毓英推誠慰勉約共竭力滅敵如龍感奮由是大局始有轉機
毓英旋督攻楊林將回出分割躬自往來督戰遂盡破石虎關敵壘並攻復呈貢等處

八年春三月雲南澂江回復叛蒙據府城澂江回象上年業已投誠至是復勾結萬壽請回首馬
周等由楊林繞越山巔蒙據府城夏五月劉焜昭收復尋甸敵昭自上年冬攻尋失科至是經
總兵金祖凱攻克要隘各隘回日馬添順李芳沅等先後投誠遂收復尋甸岑毓英肅清省東

回壘攻克楊林圍山等處。省東諸回盤踞於十里舖等處。毓英遣部將李維述等分路進攻。先將蕭家山敵棚焚燬。敵向省北馬村一帶狂奔。自十里舖小橋橋至長城六十餘里。堅壘一律掃蕩。具楊林圍山等處路回。復為毓英弟道員岑毓寶等剿破。楊林富民全境肅清。六月。岑毓英克萬明州。及龍陵廳白鹽井等處。秋七月。岑毓英連破附省李家地老鴉營等處。回壘。八月。岑毓英攻克易門縣城及黑琅等處。鹽井回壘。雲南附省回壘。侍各處鹽井以資軍用。毓英令李維述回仲興。岑毓寶等分路進剿。次第收復易門縣城及黑琅等處。鹽井。並攻破海口八街等處。回壘。冬十月。岑毓英攻克楚雄等城。毓英遣將分攻楚雄南安定遠三城。皆下之。十一月。岑毓英收復昆陽州城。先是馬如龍督軍進攻昆明未下。毓英復遣總兵張保和至。設重圍以困之。城內守將楊振鵬復開城。逸保和設伏擒之。並弋獲馬聯魁馬生龍等。十二月。岑毓英肅清附省土堆回壘。並攻克祿豐縣城。是役回壘馬得良劉和等皆被獲。

九年春二月。岑毓英等攻克麗江等城。及馬街等處。回壘。先是毓英與總督劉嶽昭提督馬如龍分軍三路。至是中路克復彌渡賓川及紅崖馬街各回壘。北路收復麗江劍川南路攻克緬寧麻城。夏五月。岑毓英等克復威遠廳城。南路肅清。威遠為普洱府屬。又為回壘馬標佔據。屢攻未下。毓英令諸軍會同土練分路進攻。力戰年餘。始將廳城克復。並破四壘。度一帶。回壘南路肅清。岑毓英攻克姚州城。毓英督將李維述楊玉科等攻姚州堅城。及波江竹園之龍潭校場。蕭苗村西山村一帶。營棚數十。其竹園城回。亦為張保和等攻破。營棚二百餘。東西兩山。苗寨望風歸附。竹園下壘地方肅清。八月。岑毓英等收復新興州城。是役提督馬如龍督軍連破王枕山。

攻寶及附城諸壘遂將州城克復 冬十月岑毓英等攻克永北等德州城毓英遣將李維運等
分攻永北鶴慶鎮南三城克之 十一月岑毓英等攻克鄧川浪穹兩城並先後攻拔鳳羽白米
莊長邑林練鐵橋各回巢是役提督楊玉科督兵進逼既克浪穹乘勝攻鄧川立下復親擄鳳羽
白米莊長邑村練鐵橋後各回巢義創力戰皆拔之大理北路一律肅清 十二月岑毓英等攻
克竹園回巢彌勒縣屬之竹園敵人久據不下毓英遣張保和攻之連破上壩下壩各巢擊退館
驛等處援兵立拔竹園老巢毓英復親將攻克澂江附近敵營數十
十年春二月岑毓英攻克澂江府城並收復開化府屬之江那土城毓英自將圍澂江一年至是
克之並拔江那等處 夏四月岑毓英等攻克賓居回巢收復雲龍州城並拔茂克各巢楊玉科
等攻拔賓川州屬之賓居各堅巢雲龍州回目趙炳南遂以州城降 冬十一月岑毓英等收復
臨安府屬之館驛導分回心曰者卿各回壘是役毓英督將何秀林張保和等分道圍攻次第克
之迤東迤南肅清

十一年夏四月岑毓英等攻克永平雲南縣城二邑密通大理迤西回衆恃為犄角毓英遣楊玉
科李維運等攻克永昌府城後分道進攻先後克之並拔曲洞漾濞各敵巢 劉獻昭遣將吳奇
忠等越境攻克貴州興義府城先是回衆佔據興義及新城久為滇黔兩省邊患獻昭遣奇忠等
會黔軍攻之遂將興義府城克復 五月岑毓英等攻克趙州蒙化廳城並大理之上下兩關毓
英遣楊玉科攻趙州李維運攻蒙化廳皆克之自是長驅大理沿途擊退敵援直薄大理城下 冬
十月貴州提督周達武等攻克新城縣城黔省上游肅清 十二月岑毓英等克大理杜文秀自

殺全郡肅清。大理東臨洱海，西倚蒼山，自文秀佔據，十有八載，攻陷五十三城，西及四川，東及貴州，築禁城，中外護以土垣，城堅且厚，提督楊玉科等軍自十一月初旬抵城，下穴地道，轟陷東南外城，率軍士乘缺口衝入，敵據土城，猶死拒，復以地雷破之，更增調五千人環攻，其禁城文秀勢蹙，以子女分寄其大司衝楊榮大經略蔡廷棟家，而與妻妾飲盡自盡。廷棟昇展以歸，氣息猶屬。玉科即拔佩刀剖其首，馳送省城。時毓英亦至，部署撫寧城中，陽稱乞款，而陰設地雷於行館。毓英令三日內繳軍械，以半年為期，毓英悟其詐，亦陽許之，而密令玉科選死士二百，率同知太和縣譚庸珍入城受降，嚴布重兵，城外定期夾擊，坑敵萬餘。三城並克，獲文秀子女杜宗揚、賽揚、成揚等，及其大家宰馬仲山，並蔡廷棟等皆磔之。大理肅清。

十二年春二月，岑毓英等攻克順寧府城，並錫慶等處，回巢大理，既復楊玉科等乘勝進逼順寧，未至城內，敵兵先出，分撲大小中山各營，會提督段瑞梅師至，鏖戰十日，連破敵營，燬樓三十二，玉科繞攻錫慶，以牽制之，既克錫慶，瑞梅復將檜頭山等處敵營，木壘燬樓八十餘，剽削無遺。並攻拔鳳山、虎山、直隸城、下園之玉科，至與瑞梅等分攻各門，即節掃蕩。是月二十五日，遂將順寧府城收復。夏四月，岑毓英等攻克雲州城，楊玉科既攻克順寧，進圍雲州，與總兵蔡標力戰，月餘，至是克之。五月，岑毓英等攻克騰越、麻城、雲南全省肅清。自雲州克復，毓英督諸將進攻騰越，提督和權曾攻克小猛統及烏士寨，馬家村各堅寨，復會合總兵李維述提督段瑞梅、蔣宗漢、徐聯魁等軍環攻騰越，克之，滇回自咸豐五年倡變大理，歷時十有九年，至是始克底定，後雖小有反覆，不復能為大害矣。

清史紀事本末卷五十六

光緒八繼

德宗光緒元年春正月帝行即位禮於太和殿帝醇親王奕訢子宣宗成皇帝孫也生甫四齡會
穆宗崩慈禧太后利立幼冲以專朝政即日收入宮中以懿旨命承繼文宗顯皇帝為子入承大
統為嗣皇帝時以不為穆宗立嗣實開本朝未有之奇局中外皆有頌言五日蘇內閣侍讀學士廣
安上疏諫其畧曰大行皇帝冲齡御極蒙兩宮垂慈勵治十有三載天下底定詎意皇嗣未舉一
旦龍馭上賓幸賴兩宮擇繼咸宜以皇上繼文宗顯皇帝為子侯嗣皇帝生子即繼大行皇帝為
嗣計之萬全未有過此者惟嘗讀宋史竊有感焉昔太祖遵母后命傳弟而不傳子厥後太宗偶
因趙普一言傳子竟未傳佳是廢母后成命遂起無窮斥駁使當日后以詔命鐫成鐵券趙普安
得一言間之我皇上將來生有聖子自必承繼大行皇帝為嗣第恐事久年湮或有以普言引用
請頒立鐵券作奕世良法疏入奉懿旨申飭至是帝即位於太和殿詔赦天下二月嘉順皇后
阿魯特氏崩后為尚書崇齡女瑞莊謹默動必以禮同治十一年正位中宮後以慧妃一時封教宜
皇貴妃故遂失歡於慈禧太后穆宗疾篤時慈禧太后訓責備至及穆宗崩帝立后以與前所
草遺詔不符劇悲恸慈禧太后復召后至遂批其胸曰爾既害殺吾子尚思作皇太后耶后跪泣不
已久之始還宮誓以身殉遂不復念且夕悲啼目盡腫是日一內侍見其狀奏聞慈禧太后曰皇
后如此悲恸即可隨大行皇帝去內侍出未移居而后崩距穆宗之喪未百日也年僅二十有
二諡曰孝哲三月戊戌踞日食夏四月京師大旱五月工部門神庫失火刑部科房失火

大學士文祥卒。予諡文忠。六月嚴禁廣東開賭賭局。以劉匪不力革吉林將軍奕係職發往

軍臺。以武京將軍崇實中燬大東溝沙河子巨匪宋之好等巢穴擒斬首要奉旨獎勵。秋七

月永定河南二工漫口。九月越南使黃崇英等筵事廣西派兵出境會剿生擒崇英。冬十

月懿旨命侍郎翁同龢夏同善授帝師並命醇親王奕譞妥為照料。命武京將軍一缺管理兵

刑兩部兼管奉天府戶部。各省總督體例加銜。添設臺北府知府等缺。

二年夏六月直隸大旱。福建濱海颶風大作延平府屬大水省城大火。廣東省北大水。秋

七月加上兩宮太后徽號。江蘇等省有邪教妖人剪辮諭飭地方官查拏嚴辦。

三年春二月以訊辦餘杭民人葛品蓮身死一案始從迎護革浙江巡撫楊岳濬學政侍郎胡瑞

澗職品蓮實病死。縣令劉錫彤與武舉楊乃武有隙誣其與品蓮之妻畢氏有姦品蓮為畢氏所

鴆殺遂乃武及畢氏至畧脅以嚴刑五毒備施不勝慘楚。皆引服浙人大譁合詞控諸都察院稱

縣令誣陷良民品蓮實非姦斃事下瑞澗覆訊仍照原獄上。浙京官益憤再疏爭之詔飭刑部提

訊既抵部開棺蒸驗果無姦業結乃武及畢氏皆釋放。巡撫學使臬司及歷次承審道府州縣

皆革職降調有差。縣令積黑龍江永成。夏五月山西河南大旱御史溫忠翰奏有人情洵洵朝

難保夕子女則鬻於路人攘奪或施於里黨嗜饒者遠連數郡求食者動聚千人戶少炊烟農恒

失業之語。六月廣東省北大水連州居民淹斃萬餘江蘇安縣蝗災禍建湖南廣西亦遭水患

陝甘亦復苦旱東據鹽輔並有蝗蝻蘇浙地方大風江蘇地震。秋七月張家口兵房土礮被水

冲沒。九月翰林院侍講張佩綸另片奏風聞禁城東河沿有內監雜引伶人排演各戲並內

楊造辦處院中。有設場聚賭等事。請飭嚴禁。報聞。冬十月。大學士沈桂芬與日斯巴尼亞國使臣伊巴里議訂古巴華工條款十六條成。三姓地方風雷。田廬被淹。旗民傷斃甚衆。

四年春正月乙丑望月食。夏四月。臺灣府風災。秋七月。直隸永定河北六工漫口。浙江金

華衝巖三府屬水災。武陟縣沁河漫口。

五年春正月。停止捐輸。先將京捐局裁撤。各省限於五月悉數截止。閏三月。吏部主事吳可請

在蘇州馬神橋三義廟仰藥自殺。遺疏請明降懿旨。預定將來大統之歸。可讀前在同治朝官御

史以言事愈激。降調今職。入繼事起。奮然草疏。擬由都察院呈遞。繼以降調人員不得越職言事。

布策在廷。諸臣有所論列。既久候而不得。知已失望。於穆宗梓宮赴山陵時。再三面懇本部堂官

大學士寶嬰。添派隨同行禮。至是。於大行奉安之後。自盡於陵寢之旁。以託於古尸諫之美。遺疏

略謂。同治十三年十二月初五日。懿旨。嗣後皇帝生有皇子。即承繼大行皇帝。為嗣。將來大統之

歸。未奉有明文。必歸之承繼之子。故請皇太后再行明白降一諭旨。將來大統仍歸承繼大行皇

帝。嗣子疏入。下王大臣議。旋王大臣等及尚書徐桐。翁同龢。潘祖蔭。翰林院侍讀學士寶廷。黃體

芳。國子監司業張之洞。御史李端棻。先後覆奏。均以繼統似涉違儲。不敢參議。乃奉懿旨。皇帝將

來誕生皇子。自能慎選元良。繼承統緒。其繼大統者。為穆宗毅皇帝嗣子。皇帝必能善體此意。所

有吳可讀原奏。及王大臣等會議摺。並諭旨。均另錄一分存毓慶宮。夏四月。諭四川鹽務改辦

官。選高鎮從。督臣丁寶楨奏請也。先是寶楨以川省鹽務積弊甚深。改歸官運。富廠產戶皆不使

之。會高書恩承侍郎重華查事至川。因聯署控詞呈訴。恩承等據以入告。諭令寶楨確查寶楨覆疏

稱。自上平開辦官運向從本年奏銷核計邊計各額引已全數銷清復帶銷積引一萬餘張所銷
稅表截燈及各款至一百餘萬兩商人從前一切無名使費悉予刪除民皆貪賤私島潛踪實屬
商民皆使被恩承等又以弊少利多爭奏乃命戶部的核具覆至是戶部覆疏請飭寶楨妥善辦
理因諭寶楨將官運商銷各事悉心區畫慎始圖終不可動於浮言亦不可操之過嚴蓋中旨實
利寶楨之變法溢收又不欲顯斥阻抗者故為調停之詞 山東著峰縣知縣宋永康以誘殺委
員高文保定為斬監候初永康強借商民銀兩迨控經委員高文保查提管帳門下永康聽從其
姪朱寶森之言誘殺文保並給銀令寶森等逃逸由尚書廣壽侍郎錢寶楨往勘訊明至是定罪
五月廣東省城水災 陝西甘肅四川地震縱橫二千里以吏部右侍郎李琦為熱河都統崇
緯敦皇后父也故太后出之時御史孔憲毅奏稱碩輔不宜遠離且引漢汲黯卧治淮陽而張湯
進宋范仲淹出視西師而邪說行為言請收回成命仍以京秩待用並請置左右俾資啟沃廷旨
以其冒昧干預不許 六月刑部奏結四川東鄉縣濫殺素先是四川署東鄉縣孫定揚議派捐輸
每正銀一兩加多五百文人民反抗鬧糧定揚遂誣為叛逆請兵剿洗提督李有恒等違妄殺辜
民數百經侍講張佩綸參劾屢派大員查辦至是經恩承童華往勘說明由刑部議定定揚有恒均
斬監候復督文格有痛加剝洗之札與數罪輕縱之總督丁寶楨等均下部嚴議 翰林院侍講王先
謙奏言路宜防流弊奉旨嘉納自帝登極以來言路如寶廷張之洞張佩綸等遇事敢言朝廷亦
頗嘉納至是漸為政府所厭先謙因承旨進言旨嘉納之並諭近來頗有撻越陳奏逞其私見率
意上陳必至是非淆亂漸開攻訐之禍甚至此唱彼和議論紛騰亦恐啟黨援之見於風俗人心大

有關係嗣後不得以雷同附和之詞相率潰陳論下朝論大譁旋御史李端棻奏先謙為蒼言亂政並請將先謙立予斥革治罪以為妄逞讒說者戒廷旨斥其措詞過當金星畫見雲氣有異直隸水災冬十月廣西巡撫張樹聲奏擒獲李揚才先是總兵李揚才前剿越南土匪有功旋以未奏留廣西缺望上年秋間在廣東原籍靈山縣及欽州等處募勇萬餘出關據越南者巖等處詔命提督馮子材統師出關至是奏稱於龍登山搜獲揚才

六年春二月協辦大學士沈桂芬戶部尚書景廉與德使已蘭德續定條約六款善後章程九款成夏六月命直隸總督李鴻章為巴西議約全權大臣直隸旱災秋八月允李鴻章奏請於陸路設立電線直隸水災冬十月大學士寶鋆署禮部尚書李鴻藻與義使安吉立等續修條約四款又續補條約四款成命醇親王奕譞管理神機營事務

七年春三月慈安太后崩太后咸豐初年正位中宮文宗好遊熱嘗婉言規諫及垂簾聽政於用人行政悉以權讓之慈禧太后不輕發言獨於大監安得海一案持之甚堅飭令普撫丁寶楨就地正法一時中外交相稱頌坐是與慈禧積有深嫌故至晚年益矜妬隔年四十有五諡曰孝即夏四月命恭親王奕訢醇親王奕譞會同大學士左右宗室直隸總督李鴻章等與修德輔水利

四川鹽垣縣屬雷雨雹水勢陡漲衝壞民房約七八百戶傷斃男女約千餘口五月彗星見東北方臺灣地震六月辛卯朔兩雹彗星見於北方甘肅地震臺灣颶風大雨漢水陡漲臺北兩府淹斃人口甚眾秋七月江西水災廬陵吉水永和永豐四縣沖沒田產淹斃人口無算閩月浙江沿海颶風暴起海嘯八月李鴻章與巴西使臣喀拉多訂立條約十七款

成。冬十一月。殺巴華提督李世忠。世忠原名昭壽。為捻渠魁。初合於太平軍。咸豐八年九月。以天長來降。易名兆受。督師勝保留其眾萬七千人。列為涼勝營。使守滁州。不請餉。令摺疊自費。以給軍。賜名世忠。由是擁軍以致巨富。號數百萬。既而自請遣散部卒。交還城地。退出蘆手。俾給餉。豐回原籍。莫親有詔褒許。後有言世忠謀叛者。詔江督曾國藩訪察。國藩遣人至固始。釋世忠所居別堂。上設美塾。竹籬量垣。與鄉農雜居。草屣乃履。國藩為之疏於朝。奏請保全末路。及裕祿巡撫安徽。世忠時屬皖中。裕祿斃其富。因下交約。為兄弟。誓生死。藉以通緩急。公私累世忠至數十萬。世忠頗恃勢而驕。遇有請託。裕祿徇拂其意。輒而加請。讓裕祿積忿日久。一月。世忠因事毆辱首生吳廷鑑等。裕祿訶責之。世忠不服。使氣大罵。裕祿怒立斬之。乃以世忠怙惡不悛。尤晨惡肆。入奏。

八年夏四月丙辰朔日食。臺灣地震。福建地震。六月江蘇地震。翰林院侍讀溫紹棠奏時局多艱。懇皇太后勵精勤政。奉旨申飭。自慈安太后宴駕後。年餘未嘗視朝。用人行政。積數日始一裁決。故紹棠以為言。廷旨以其冒昧申飭之。山東江西安徽浙江大水。四川叙永洛等屬大雨冰雹。河漲淹斃人口甚眾。並資州所屬大災。秋八月。彗星見於東南。在張翼之間。形如匹練。尾長數丈。直掃西南。日將出時。其光熒熒。幾與爭曜。是年法人始謀越南。該星變者謂越南野在翼軫。而彗所以除舊布新。越且為法所併乎。未三年而越南全國果盡屬於法。九月臺灣大雨。颶風水災。冬十月。直隸深州等處地震。有聲。廬舍坍塌。人民壓斃無數。直隸滌口上游屋俸店等處。連閉四口。應城等十餘州縣。皆陷。淹斃人口不可勝計。

九年春正月。車禮部右侍郎。著廷職。實廷以宗室名翰林。遇事敢言。屢有陳奏。多見採擇。施行。然當時朝班不肅。邪枉醜正。實繁有徒。實廷默燭於機。先漸萌退志。七年十月。特准令職。即疏辭。不許。上年十二月。以典試福建歸。舟抵清江浦。以途中買江山船人女汪氏為妾。上疏自劾。請從重懲。蓋假辭以自乞免耳。奉旨。吏部嚴議。至是罷官。二月。刑部奏結河南鎮平縣盜案。先是鎮平縣。借介胡體安。盜魁也。邑中巨宦張育室家被劫。廉知體安所為。上控司院。連撫涂宗瀛。徵捕之。體安以其妾童王樹文。偽為已俾役執之。去樹文年甫十五。庭羸弱小。一望而知其非真盜也。縣令馬喬不審真偽。遽馳報大府。革軍定案。及樹文臨刑。乃呼寃。監刑官白宗瀛。命停刑。下所司覆鞫。樹文自言其父名李福。居鄧州。業農。乃檄鄧州牧朱光第。逮李福為驗。未至而宗瀛調撫湖南。以去。河道總督李鶴年。繼豫撫任。聞歸陳許道任。愷先為南陽守。嘗歎是獄。飛檄阻光第。勿逮李福。光第不聽。竟以李福上。使與樹文質。果其子也。愷大感。知是獄果平反已。且獲重登。百計彌縫之。愷固與鶴年有連。鶴年竟從其言。坐樹文以犯風接賊之律。樹文遂為是案正光。而官吏之誤捕。體安之在逃。皆置不問。於是豫人之官御史者。皆大譁。勅鶴年。庇愷。廷派河督梅啟。照覆審。啟照承鶴年意。竟以樹文為盜。從當立斬。獄成。言者爭益力。潘祖蔭時長秋官。乃奏請提部覆訊。且鞫馬喬職。遂入都。郎中趙舒。勉研鞠數月。始得實。將其奏。祖蔭入鶴年游說。思中變。將仍依原狀。上舒勉力爭曰。舒勉一日不去秋臺。此案一日不可動也。方劇爭間。祖蔭忽以父喪去官。繼之者為張之萬。會前承審官大挑。知縣張。年。會試入都。陳陳刑部。述是案始末。甚詳。當遂得直。釋樹文歸。度馬喬及知府馬承。修。強。邊。鶴年放。及果司陳寶箴以下。承審是獄者。各降調。有差是案首。

尼五年始議結。而光第已先以他事寔吏議。則任值職鶴年為之也。罷安反無忌。且更姓名。充他邑總督。為方三法司會編時。著副憲張佩瑜。均贖尼曰。長大吏革管人命之風。其患猶淺。敢請臣親視朝廷之漸。其患實深。一時嘆為名言。英僮吏皆為之側目矣。夏五月。醇親王奕誥等。奏請雲南報銷一案。先是八年七月。御史陳啟泰。揭參太常寺卿周瑞清。已覆雲南報銷。有該省糧道崔尊與永昌知府潘英章來京。賄託關說情事。復據御史洪良品。給事中鄧承修。奏以是案牽涉樞臣。景康王文韶。均有賂遺。鉅萬之風。沈先後派王大臣查辦。至是結案。瑞清英章及御史李郁。華戶部員外郎福趾。主事孫家穆。龍維棟。均發軍臺。主事在澄。襄周頌。均革職。華奕炳。故仍革職。景康文韶及前戶部尚書董恂。侍郎查潤。許應。駱崇禮。總督劉長佑。巡撫杜瑞聯。並失察。書吏受賕之工部侍郎翁同龢。師曹孫家彝。徐用儀。郎中福志。蔡世傑。各罰俸降級有差。六月。山東兗城等處黃河漫溢。畿輔水災極重。諭禁在理。秋。京城及直隸等處。有在理。秋。以戒人吸烟。飲酒。為名。御史李延奏請。查禁。因命查禁。秋九月。臺廈一帶。瀕海風災。冬十一月。桃園決口。御史劉恩溥。奏東安門外。宗室家開設賭局。斃死人命。展稽久未掩埋。飭宗人府會同刑部。迅速訊明。具奏。宗室公戴。泰因賭博起釁。斃死旗民某乙。其尸暴露城隅二十餘日。無人為收斂。官亦不敢過問。恩溥乃上言其事。略謂。戴泰託體天家。勢焰薰灼。某乙何人。而敢冒其位。咸重。將斃致死。固由自取。戴泰以天潢貴胄。區區殺一平民。理勢應爾。臣亦不敢干預。唯念聖朝。姑冒之仁。草木鳥獸。咸沾恩澤。而某乙尸骸暴露。日飽烏鴉。揆以先王澤及枯骨之美。似非盛世所宜。合無飭下地方官。檢視掩埋。似亦仁政之一端也。此是詞氣憤懣。殊非奏對之體。時恩溥知朝局不久。有變欲

積微罪以行耳。然疏上未蒙譴責。原摺且發欵。

十年春三月太后命軍機處遇有緊要事件。著會同醇親王奕譞高斌。命貝勒奕劻管理總理

各國事務衙門事務。夏四月廣東順德縣屬風災。直隸獻縣地方水災。五月命中外大臣

保薦人才。命中外大臣將職分應辦之事。盡心講求切實辦理。六月江西浮梁等縣大水。浮梁

連日大雨。河水陡漲。衝毀城牆。衝衝居民房屋。淹斃人口。景德鎮被水。衝壞房屋。漂流人口。各數千。鄱

陽樂平等縣田畝被淹。山東黃河南北兩岸漫決。歷城齊河等處水災。直隸東明縣境黃河

決口。冬十月添設甘肅新疆巡撫。發布政使等缺。裁撤烏魯木齊都統等缺。先是督辦新疆事

務兵部右侍郎劉錦棠奏設新疆都統。請左宗棠初議設新疆總督一員。駐烏魯木齊。新疆巡撫

一員。駐阿克蘇。將新疆另為一省。臣頗不以為然。新疆與甘肅形同唇齒。若割為兩省。以二十餘州

縣孤懸絕域。勢難自存。擬仿江蘇建置大略。添設甘肅巡撫一員。以烏魯木齊為省治。設布政使一

員。以鎮邊道加按察使銜。其伊犁將軍無庸總統全權。移烏魯木齊。不再提督駐喀什。舊有之參

贊辦事領隊各大臣酌量裁撤。疏入下吏部。至是如所議行。即以錦棠為巡撫。調韓光壽為布政使。

十一年夏五月。命李鴻章等籌議大治水師。增拓船廠。江南安徽江西水災。廣東廣西大水。

六月御史吳崑編修梁鼎芬均交部嚴議。上年吳崑劾閣敬銘目為漢奸。鼎芬劾李鴻章指為可

疑。至是以其誣誇大臣加以懲儆。直隸水災。秋七月大學士恪靖侯左宗棠卒。贈太傅。予諡

文襄。九月改福建巡撫為臺灣巡撫。駐紮臺灣。福建巡撫事由閩浙總督兼管。奉添設臺灣布

政使。冬十一月雲南地震。山東何王莊題莊驛溝決口三處。

十二年春二月慈煇太后率帝謁東陵閏十二月還宮寫至定東陵行教土禮孝貞顯皇后陵也
太后閱禮節單拈香進酒須跪拜大怒擲之地命另換諸臣皆不敢言禮部尚書廷煦獨奮然曰
此而不爭國家何用禮臣為跪配殿門外大言曰太后今日至此兩宮垂簾總政之禮既無所用
之惟當依顯皇帝在時儀注行之耳后聞奏失色命之起廷煦對曰臣待罪禮曹見太后失禮而
不敢爭臣死無以對祖宗不得請誓不敢起后不得已可其奏卒成禮而歸三月山東黃河水
勢威漲章邱濟陽惠民等縣決口多處李鴻章與法使戈可當等在天津會議越南邊界通商
章程十九款成夏五月陝西臨潼藍田雹災四川總督丁寶楨奏于該文誠密植在川多所
與華優却江故隄運民田數十萬畝裁減夫馬販漢邊黔邊官運川鹽法國家溢收百餘萬六
月貴州剽隘等處水災副都統依克唐阿副都御史吳大澂與俄員巴拉諾伏等勘定圖們江
界牌秋七月直隸奉天大水八月山西汾河潰溢命續修大清會典御史朱一新奏選
災修省預防室寺流弊先是四月間醇親王奕譞巡閱北洋海口太后派總管太監李蓮英隨往
道美河間無賴子曾以私販硝磺獲罪後得脫改業皮工人呼為皮硝李以內監沈蘭玉薦入侍
為提頭房太監為摺令職至是一新因順直水災奏請修省並以蓮英隨奕譞巡閱恐蹈唐代弊
覆轍為言后大怒以奏中有道路譁傳士庶駭懼及深雲或對有不得已之苦衷等語命明白回奏
旋命以主事降福前湖南提督鮑超卒于謫戍襄命馮子材辦理瓊州客黎各匪冬十月
添設臺北道缺

十三年春二月命各省整頓保甲夏五月奏動工部侍郎保毓汶與法公使恭思堂請讓界務

專約五款。商務專約十款。成。六月沁河決口。直隸通州等十六州縣大水。前雲貴總督劉長佑卒。予諡武愷。長佑居官廉潔。所得祿賜。悉以恤戰士。統兵三十年。未嘗誅將。依諸將亦嚴。惻之。秋八月。黃河南岸鄭州下汎。十堡決口。河南下游被水者十五州縣。待賑者百九十萬人。九月。允戶部奏請開郵工捐例。冬十月。吳昉孫毓汶與蒲翁才使羅沙。議中滿約五十四款。及專款三條。成。十二月。雲南地震。

十四年。春正月。添置甘肅新疆伊塔道缺。二月。以重修清漪園。改為頤和園。工程告竣。諭擇於四月初十日。奉皇太后臨幸駐蹕。三月。江蘇地震。夏四月。京師雨雹。五月。京師奉天山東地震。六月。京師雨雹。秋七月。永定河隄工漫口。十二月。太和門災。貞度門失火。延燒太和門及庫房等處。因太和門災。命停止頤和園工程。

十五年。春正月。立赫葉那拉氏為后。他他拉氏為瑾嬪。他他拉氏為珍嬪。后為太后。弟副都統桂祥之女。瑾嬪珍嬪為原任侍郎長叙之女。二月。帝親政。自是帝雖有親裁大政之名。而實無主權。一切用人行政。仍為太后所主持也。太后懿旨。宣示醇親王奕譞。樞臣論原奏。先是光緒元年正月。初八日。奕譞奉命。應代繼統之君。推崇本生父母者。以宗孝宗不改子孫。秀王之封。為至當。廢皇帝親政。接合任侍選。援引治平嘉靖之說。肆其奸邪。陳其封章。請俟親政時。宣示天下。俾千秋萬載。勿再更張等語。至是。河東河道總督吳大澂。奏請飭議。尊醇親王奕譞。奉太后懿旨。茲當歸政伊始。吳大澂果有此奏。若不許醇親王原奏。及時宣示。則彼此邪說競進。豈希議禮。梯榮具惠。何堪設想。用特明白曉諭。並將醇親王原摺。發欽。俾中外臣民知之。以大婚禮成。上

太后徽號 三月以歸政禮成上太后徽號 帝侍太后幸頤和園閱視神機營水陸操太后居

西苑時設市肆於北海承光殿側羅列百貨店主皆以宦者為之朝臣爭入市購買太后時親往問

價至是頤和園落成帝親侍太后游覽復嘗驅蹕其中新於萬壽山之巖敕建佛香閣俯臨排雲殿

矗立雲表松槐夾峙千步廊由玉瀾堂樂壽堂迤邐而西達殿門外復設有飛鳴球石而成在仁

壽殿之西南與萬壽山相對舊名寶道觀亦名石舫復於昆明湖中置小輪舟二艘又於園外東

南隅設電汽座車司園中電燈太后在園中日久以聽戲為樂嘗幸地壇福晉太監等乘小艇於

湖中照像用漁家服有時著古漕裝太后扮觀音餘扮龍女善男子等李蓮英扮軍歌等如其

攝影流傳外間亦不之禁 夏六月雲貴總督岑毓英等十餘奏勦英官漢二十餘年恩信感人

深父老兒童皆稱我老官保云 秋八月安徽巡撫陳彝奏陳因利局章程請通飭各省仿行不

許乘疏稱礦錢立局借給貧民限日還本不復取息廷旨以其章程煩瑣恐妨擾民著不推行

天壇祈年殿災壇在正陽門外左側北門外為祈年殿復為皇乾殿齋宮在殿之東南是月二十

四日中刻雷雨交作霹靂一聲直擊祈年殿角鎗碎墮陡然火起至戌鐘全殿悉為灰燼數十里

內光同白晝香氣初發蓋其棟樑以香楠木之乃明永樂時所建也火勢至天明乃熄 江蘇浙

江湖北大水是年蘇浙鄂諸省本皆大稔迨祈年殿火災即各省亦於是日始遭大雨歷四旬餘

乃霽 冬十月命各省海軍陳軍事件 命葉軍差徑請獎 命各省將吏應善後採辦轉運等

局測減歸併勅限三個月開軍奏報 命各省將軍督撫嚴緝盜賊訪拿餘棍

十六年春三月裁福建船政大臣以總督兼管 瞻對番日撤拉雅珠與巴宗刺麻句結野番滋

事成都將軍岐元等違制將徐勝魁等討平之。夏四月。前兵部尚書彭玉麟卒。予諡剛直。玉麟剛介絕俗。治軍時。遇部下若布衣昆弟。而紀律極嚴。巡閱長江水師十餘年。共勦亂營。哨官百八十二人。江湖肅然。將佐畏服。地方有司亦望風震懾。民間請不執之徒作奸犯科。悉不畏法者。輒相警曰。彭打鐵來矣。言其執法嚴峻也。吉林省城火災。延燒官民房舍千五百餘間。六月。直隸水災。永定河工漫口。秋八月。前陝甘總督楊岳斌卒。予諡曰勇愨。岳斌治水師。功高與彭玉麟等。軍中稱彭楊。法越事起。岳斌奉詔入關。督辦軍務。和議成。還籍。至是卒於家。九月。御史吳光泰奏請停止頤和園工程。命交部議。議者奏疏中略稱。現值畿輔水災。河決未塞。及工程未停。有累聖明等語。廷旨以異於朝廷孝養之心。全未體會。實屬冒昧。已極。予嚴譴。冬十月。兩江總督一等威毅伯曾國荃卒。予諡忠襄。十一月。帝本生父醇親王奕譞薨。帝詣御成服。行禮。設奉慈高。定稱號曰皇帝本生考。故曰賢子。鎮國公載灃即日承襲王爵。黃沟晉封不入八分鎮國公。載濟晉封不入八分輔國公。帝持服期年。御編素十一月。癸卯。十一月。日。期年內。御使殿時。用素服。十七年。春正月。刑部尚書曹恒華奏。查履已革福建寧府知府蔣斯岱呈控被參。究擬並劣員營謀著缺。著先是斯岱以考劣開缺。已裁。建寧履局委員知府蔣玉瑜。親親著任。向總兵沈茂勝為干於營務處道員劉麟祥。又知前局中司事秦燕為督署幕友。舉人王濟光感傷。因並託以干濟光領事。雖面諾之。而心憚濟光清正。未敢發。及玉瑜委署建寧府缺。麟祥違發電覆。廖請梁事已成。尚須加銀三百。麟祥客某。獲私電茂勝。索玉瑜金。燕亦以函賀玉瑜。且自炫其乘此染指事。恐為斯岱所聞。乃具稟請覈。交督玉瑜。因蔣斯岱抗明。總督楊昌濬。奏革斯岱。斯岱尋後抄得。

麒麟等電成遂授玉瑜行賄詞連無並隱侵濟光昌潘疏請派員會審廷旨仍令自行提訊業未
結而昌潘移督陝甘以去斯岱乃圍指昌潘受賕麒麟與茂勝通仲史具呈都察院朝命貴恒及左
副都御史沈源深赴閩查辦值濟光病故遂悉舉全案關鍵以坐之誣稱濟光致書茂勝詐玉瑜
賄金三百於督署辦事後收受復稱濟光原書已失請免驗獄上濟光舉人以身故得先讓玉瑜
茂勝先已革職至是均遣戍昌潘坐失容降級無等杖罰有差而麒麟電據確鑿督案中主要竟
曲為脫之反得不坐後始以他事革職四川會理州民黃子榮等糾眾滋事攻陷雲南富民祿勸二縣
城總督王文韶遣兵剿平之夏四月雲南蘇州民黃子榮等糾眾滋事攻陷雲南富民祿勸二縣
命各督撫嚴拿訊辦六月命查哥老會山西大旱秋七月山東巡撫張曜卒于途勸果初
咸豐八年春河南控圍固始時曜為固始民團長與縣令副某協城守夜以壯士三百出城襲破敵
營會科兩沁親王僧格林沁率師來援見曜一人於火光中往來搏戰甚力嘆曰壯士也立召見
大奇之由縣丞奏保知縣並賜勇號令從軍征討後控頗擾固始百姓驅思曜謂依公來難可
少紓於是大府檄曜惟固始治擬河南布政使御史劉毓楨查雲河南索賂道不至乃勸曜目不
識丁改總兵及左宗棠督師新獲奏以曜領兵積功至廣東提督斬獲平宗棠為奏復文職授廣
西巡撫未至任命蔡濟棠師渡城河又命查勘山東黃河遂調山東巡撫在東省七年築河隄修道
路開廩局精製邊凡有益於官民者莫不具舉至是卒所部嵩武軍改歸李鴻章節制調遣八
月命刊發勸善善言致仕大學士寶豐卒于途文靖新獲溫宿州兩電鎮西嚴大水冬十
月直隸邊外熱河等處全再道救首楊悅春等作亂竄擾蒙古並陷朝陽等州縣經奉直兩省會

師劉平。雲南鎮邊地方新附保人滋事官軍劉平之。十二月貴州下江廳苗人滋事旋為官

軍劉平。匪首李國珍在教罕滋事分掠東翁牛特各旗路烏丹城北大寺直隸官軍劉平之。

十八年春三月前大學士閣敬銘卒予諡文介敬銘狀貌短小二目一高一低入翰林改官戶部

湖北巡撫胡林真奏調總辦東征糧臺疏中有聞敬銘氣貌不麗而心雄萬夫之語太后初亦敬

其德望在官中語及常以字而不名既授大學士以太后與修三海敬銘新不予款頓失慈眷康

遭詰責引疾家居四年至是以遺疏忤太后意御禮獨薄僅賜太子少保銜以一品大臣飾終

之典予二品官階二百年間一人而已時禮臣以賜諡諱幾斷不與戶部侍郎張蔭桓為力言於

帝乃得諡夏六月京師蝗飛蔽天江蘇安徽山西蝗蝻偏地閩粵永定河堤工漫口華山西

巡撫阿達春職先是左副都御史徐致祥奏新授山西巡撫阿克達春貪婪帝責其既有所聞應

即隨時具奏御史余麟玩又參阿克達春在安徽藩司任內劣蹟昭著及不通文理命兩江總督

劉坤一查辦尋阿達春召見於詢問事伴奏對未明晰命開缺至是劉坤一覆奏所參皆實遂

革職秋七月山東惠民等處復蝗漫溢定稿發電報詳錄罪冬十月諭禁各省州縣濫用

非刑

十九年夏五月貴州普安直隸廳妖匪劉興飛滋事旋官軍劉平之六月永定河堤工漫口秋

七月四川打箭爐屬地震患連廟一座剝麻寺七座漢夷民房八百零四戶皆震糜斃剝麻七十

四漢夷兵民百三十七傷者七十八月豁免海禁從出使大臣薛福成奏請也十一月新疆

庫車廳地震

二十年春正月命河東河道總督許振綱會同李鴻章籌辦永定河工。越南游匪竄擾滇邊都
章等處。總督軍擊逐。二月駐美使臣楊儒與美外部續定華工條約六款成。三月戊寅朔日

食。添設湖南南洲直隸總督巡撫吳大澂奏請也。湖南郵傳會匪鄧世恩等擾竄江西攻永寧

縣城為官軍剿平。京師南城外陶然亭畔黃潭中有怪聲如牛鳴時市井人妄列圖說名之曰大

老妖謂其物專噬洋人有識者皆哂之。步軍統領福錕調兵窮搜卒莫得端倪。內務府至召僧道

設壇誦經以禳之數月後始寂然。夏四月直隸永平連化府屬大風雨數晝夜廬舍民田淹

沒。雲南永平慶隆首丁洪貴等。茲獲川滇邊境為兩省官軍剿逆。秋七月江蘇上海縣城內

外地生毛黑若猪鬃。直隸震雨。天津大水。前甘肅新羅巡撫劉錦棠卒。予諡襄勤。八月從

戶部奏議命各省息借高款以充軍需時方與日本開戰也。以太后六旬萬壽上徽號。太后

命六旬慶辰典禮仍在宮中舉行其國和國受賀事宜即行停辦先是議定十月初十日太后萬

壽損康乾間成例踵事增華。帝率中外臣工詣萬壽山行慶賀禮於是各省疆吏派員祝嘏自國

和國至西港沿途分段點綴景物建設絳壇至是因中日戰事中國海陸軍屢敗廷臣交章陳請

乃命停辦國內點景至日仍於排雲殿受賀。冬十月降璽貴妃珍貴妃皆為貴人。二妃皆能詩

珍貴妃兼通政術故帝尤寵之時有編修文廷式者。二妃之師也。以大考一等第一。擢侍講學士

（自七品擢升四品）太后疑帝以二妃故進之也。至是奉懿旨以理妃珍妃近來習尚浮華。屢有

乞請均革去妃號降為貴人（自二級降至五級）且命禮衣廷杖。並滿妃兄志銳於烏里雅蘇臺

廷式以託病出京。僅免於罪。十二月。奉御史安維峻職。遣戍張家口。維峻疏參李鴻章詞連李

蓮英並謂皇太后既歸政皇上若仍遇事牽制將何以對祖宗天下生李蓮英是何人斯敢干政如律以祖宗法制李蓮英豈復可容廷旨以其肆口妄言命革職遣戍雖岷發遣時都中謠傳蓮英忌之甚將欲得而甘心有幽燕大俠大刀王五者(名正旗)聞之踵門求見曰此去途中多暴客非小人為衛必不免因護之往車駭資皆其所出

二十一年夏五月奕劻侍郎徐用儀與法國結議商務專條附章成 湖北大水 閏月命中外

大臣保薦人才 命各省將軍督撫就本省情形將善餉練兵卹商惠工各節妥籌辦法限一月內覆奏 新疆地震 六月福建古田縣民殺英國教士數人命嚴禁首要並諭地方官實力保

護教堂 命閩廣督撫派員赴南洋各島暨新舊金山招徠僑商承辦各省船械機器等局 秋

七月廣東福建地震 京師疫 八月曉對番官對堆擊吉等滋事 革四川總督劉秉璋職時

各省教案迭起外人要求懲辦官吏是年五月四川省城有打毀教堂及省外各處疊出教案故有是譴 冬十月軍吏部右侍郎汪鳴鑾戶部右侍郎長麟職先是長麟於入對時以帝名雖親

政實則受制於太后請帝獨攬大權曰太后於穆宗則為生母於皇上則為先帝之遺妾耳天子無以妾為母者鳴鑾時同召見亦以其言為然後此語浸聞於太后時太后與帝日益猜忌至是

大怒帝不得已乃降諭以二人上年召對時屢次信口妄言跡近離間命均革職永不叙用

二十二年春正月設官書局於京師先是原有為等擬設強學書局講求時務為御史楊崇伊奏請封禁故御史胡孚宸奏請將強學局改歸官辦至是經總理各國事務衙門奏准設立 二月

前臺灣巡撫一等男劉銘傳卒于旅社肅 設立郵政 殺太監寇連材連材直隸昌平州人

初入宮為太后梳頭房太監甚見親愛。凡宮內會計皆使掌之。已而為奉事處太監。一年餘復為太后會計房太監。時以太后復專政柄。杖二妃。逐朝臣。善志廢立。日逼帝為攝博之戲。及吸食鴉片。而別令太監李蓮英及內務府人員在外延布散流言。稱帝之失德。又將大興土木。修圓明園。連材大憂之。是月初十日晨起。流涕長跪太后榻前曰。國危至此。老佛爺（宮內人稱帝為佛爺。太后則加稱老佛爺）即不為祖宗天下計。猶不自為計乎。何忍更縱游樂。生內變也。太后以為狂呖之去。連材乃乞假五日。歸訣其父母兄弟。出其所記內廷事一册。授其弱弟。記事中最重要的（一）太后驕侈淫佚。絕不以帝為念。后亦因二妃故與帝不睦。故帝伶仃異常。（一）帝每日御膳其饋羅列數十品。然離御座稍遠之饌。半已具腐。故帝每食不飽。有時偶欲易一饌品。太后輒以儉德責之。（一）太后待帝。每日訶斥之聲不絕。稍不遂意。常加鞭撻。或罰令長跪。故帝見太后如對獅虎。膽為之破。至今每聞鐘鼓聲。必唱聲。嘗嘗觀變色。（一）帝每至太后前長跪請安。不命之起。不敢起。甲午六月。高麗軍事既起。帝請停頓和園工程。以充軍費。太后大怒。自是至乙未九月間。凡十餘月。不與帝交一言。每日必跪至兩點鐘之久。始命之起。連材既還宮。至十五日。乃上摺凡十條。（一）請太后勿攪政權。（二）請勿修圓明園。以幽皇帝。餘皆人所不敢出口之言。太后聞之怒。召而責之曰。本朝成例。內監有言事者。斬。汝知之乎。曰。知之。奴才若懼死。則不上摺也。於是命囚之於內務府慎刑司。十七日。移交刑部命斬。賜刑。肅衣冠。望闕九拜。乃就。時臨終。宋育仁在京師。聞耗大哭。曰。清亡無日矣。余不思見銅駝卧荆棘中也。臺官錄。時同挂冠者尚有六人。皆一時知名士也。京中有作者七人之嘆。 韋翰林院侍讀學士文廷式感帝知遇。忠憤盡言。致觸太后之忌。冠

連材既被難。同時核頭房太監王四。以附帝故。發往軍臺。又有聞海者。號古慶帝之內侍。奉為首。坐甚忠於帝。亦發往監古塔。後殺之。於是楊崇伊布太后旨。幼廷式。遇事生風。常在松筠庵。廣集同類。聯名入奏。並有與太監文海結為兄弟情事。即古廷也。崇伊蓋誤以聞為文云。故殺連材之次日。遂有驅逐廷式出都之事。松筠庵在內城之宣武門外。中祀明賢楊椒山。曾三疏揭嚴高罪狀者。諫垣中人。凡有所論奏。皆於庵內召集同官。聯名上疏。蓋有所矜式也。戶部衙門。災

夏五月。帝生母醇親王福晉赫葉那氏薨。因山東曹軍一帶刀匪肆擾。命江南山東督撫速即剿除。六月。贈對番官帶兵出塞滋事。四川官軍擊退之。永定河堤工漫口。戶部侍郎張蔭桓

與日本使臣林董。定通商行船章程二十九款。成。秋七月。甲午朔。日食。西寧回酋劉四伏。竄至羅布卓爾之扣兒嶺。新疆官軍討擒之。以四川松潘番子。犯事一律肅清。予總兵夏毓秀。獎叙

有差。凡督辦軍務處。王大臣與俄國使臣。訂新約十二條。成。冬十月。四川巡撫鹿傳霖。攻克上中下三縣。全境一律歸順。十二月。江西福建地震。

二十三年。春三月。貝勒載澍。忤太后旨。命革去貝勒。交宗人府重責八十板。於空室。永遠監禁。載澍為子敬郡王子。初。穆宗疾革時。遺詔欲以載澍入繼大統。故太后深嫉之。其妻乃太后之姪女。

載澍有妾生子。妬殺之。為載澍所詰。責憤而訴於太后。子耶之福晉。因入宮謝。太后遽下詔。謂載澍平日不孝於母。今經其母入宮面奏。若不從嚴懲辦。殊乖孝治之意。遂獲嚴譴。詔下後。福晉昏

暈於地。載澍在獄。每日僅許進一飯。屢冬。僅一袴。最體惟一老獄卒。憐其為皇孫。日則煖爐烘之。夜則擁之以卧而已。夏四月。江西大水。五月。鹿傳霖討擒德爾格忒。一名費蓋。小土司昂翁

降白仁青母子。囚之。老土司頭目人等獻地歸誠。命改流設官。前大學士張之萬。卒。予諡文達。
秋七月。協辦大學士李鴻藻卒。予諡文正。冬十二月。諭各省實力保護教堂。命各部院堂
官當常川巡察。解事。

二十四年。春正月。乙酉。朔。日食。設經濟特科。從貴州學政廕修奏請也。特科。以六事。曰。內政。
曰。外交。曰。理財。曰。經武。曰。格物。曰。致工。由三品以上。京官及督撫。學政各舉所知。咨送總署。會同
禮部。奏請。試以策論。名曰經濟特科。頒發照信股票。督事府右中允黃思永。奏請籌借華款。造
自強股票。名曰昭信股票。以五釐行息。分二十年本利還。詔戶部議印造股票一百萬。欽命京外
王公將軍督撫及大小文武官員。均領票繳銀。以為商民借。命開辦京師大學堂。命副後武科
改試鎗礮。三月。諭各省裁撤各局。整頓保甲。嚴截空糧。又勸辦常平倉。皆從尚書剛毅奏請也。
閏月。德國親王亨利親見。夏四月。江蘇淮徐海州各屬大水。恭親王奕訢。卒。予諡曰忠
命配享太廟。命各省將所有大小書院。一律改為學堂。命各省保舉使才。

清史紀事本末卷五十七

平定新疆及收回伊犁條約

德宗光緒元年春三月命大學士陝甘總督左宗棠督辦新疆軍務初同治元年六月陝西回民滋事圍攻省城並擾河州蒲城命統帥師勝保移軍往討十月勝保復軍述宗賜自裁以荊州將軍多隆阿代之至二年二月甘肅回民攻陷固原平涼軍夏雲州五月西安花寺回民向結散納番人即犯罕羌人一攻撲丹噶爾滅戎循一帶發焚及多隆阿提兵入陝擊剿陝回獲盡將移討甘回以整度未破親督軍攻下之多隆阿受傷致卒西安將軍都興阿繼起視師副以提督雷正綰五月正綰會提督陶茂林軍攻克平涼滇回藍二順襲犯西安省城副都統穆圖善會同巡撫劉蓉等撲滅之時浩罕為俄羅斯所滅其副都統色提（譯言管官）阿古柏收餘眾保安集延邁布魯特尚思的克等滋擾新疆喀什噶爾南路回民金相印迎阿古柏出山攻陷喀什城據之次弟侵奪南八城阿古柏遂自稱帕夏（譯言王也）提督葉布冲額率師討之敗績六月潰兵歸至烏魯木齊參將索煥章脅之反據漢城推陝回阿澤（譯言師長）安得璘為主稱清真王煥章手刃提督進圍滿城陷之都統平瑞闔門死哈密吐魯番呼圖壁庫爾喀判烏蘇相繼失陷事聞德常清職授明結伊犁將軍以保恒署烏魯木齊都統命穆圖善率師出關四年五月肅州回民佔據嘉峪關並陷州城五年正月安集延攻陷伊犁九城塔爾巴哈臺回民復起我參贊錫霖武隆阿等據城守命西安將軍庫克吉泰督師新疆北路塔爾巴哈臺參贊德興阿副之八月罷總督楊岳斌以宗棠代之並督陝甘軍時西捻數萬據秦中陝回甘回數十起衆至百萬橫行版地兩省

幾無完土。宗棠上議進兵陝西，必先清關外，進兵甘肅，必先清陝西，駐兵蘭州，必先清各路。然後餉路常通，師行無缺。又定計先擒後回。及七年，西捻既平，宗棠七月入覲，詢西陲師期，對以五年。恭錄十月，選西安定三路平回之策，令提督劉松山由綏德取花馬池，直搗金積堡。老巢為北路。道員周開錫由秦趨鞏，討鞏昌河狄之回，為南路。而自興署撫劉典督諸軍，盡驅陝回入甘，為中路。遂破回巢數百。十二月，松山收撫鎮靖堡，至靖邊縣。土匪董福祥之父世有乞降，旋福祥亦降。八年二月，雷正培會道員黃鼎攻拔董志原老巢。四月，陝西平進兵甘肅，諸路迭戰，皆捷。八月，松山克靈州。九年正月，攻金積堡之馬五寨，松山陣亡。宗棠以其兒子錦棠代統其軍，東自吳忠至靈州，堡寨四百五十餘，西自洪樂至峽口堡，寨百二十餘，盡平。十一月，克金積堡，擒馬五馬條於。是回酋馬化龍自投乞撫。宗棠命並其父羅邦傑之十年三月，著將軍金順提督張曜平寧。夏十一年二月，收河州。三月，循化撒納番人歸誠。十一月，錦棠克西寧大通，俘馬壽。十二年九月，宗棠督提督徐占彪等軍攻克肅州，磔悍酋馬文棟等。關內肅清，惟白彥虎逸出關外，捷聞。推宗棠大學士，仍留總督任，而以烏魯木齊都統景廉督軍新疆。金順副之。至是，召景廉來京，命宗棠代之。仍副以金順，旋任金順為烏魯木齊都統。

二年春正月，因出關餉需，宗棠先左宗棠借洋款一十萬兩，先是以東南海防為急，有議棄關外地者。宗棠力持不可，然軍食奇絀，各省協餉不繼。前後至借洋商民商一千數百萬兩，隨時以協款抽借經營。一載，士飽馬騰，諸軍遂次第出關。秋七月，三品卿銜西寧道劉錦棠收復烏魯木齊。新獲北路略定，督師左宗棠駐軍肅州。今諸軍抵安西後，分道進，進漢中鎮，譚上連為前鋒。軍夏

鎮雄故羊嶺之伏安鎮余虎思文繼之皆總錦棠即度四月錦棠出嘉峪關五月次巴里坤進駐古城
時回酋馬人得據烏魯木齊白彥虎據紅廟子土回馬明據古城錦棠以阜康當敵衝距古城
才百里宜先據之乃輕騎赴濟木澆約金順移屯阜康城自屯城東之九營街增調徐占彪接防
巴里坤張曜軍助屯哈密以屏哈吐之防彥虎聞之自紅廟移據古城安集延遣驍回助之六月
錦棠圍古城阿古相遣將阿託愛率騎來援錦棠令余虎思馬隊擊敗之遣步軍分攻山巒南關
皆下阿託愛棄馬遁錦棠復以開花砲攻城克之守兵六千馱馬趨抵烏垣城東安集延土回驍
頭皆宵遁遂收復烏魯木齊迪化州及其王城王城安得璆據烏魯時所築也錦棠遣諸將分進
至鹽池阻戈壁而進於是昌吉呼圖壁瑪納斯北城守兵皆逃阿古相所遣援兵五千至連坂聞
敵不敢進新疆北路皆平惟瑪納斯南城未下九月金順等攻克瑪納斯南城北路既清宗棠
微全順攻瑪納斯南城久不下咨湘軍助剿時錦棠駐軍烏垣遣道員羅長佑與總兵譚拔萃黃
萬鵬董福祥等十一營赴之至是會攻瑪納斯南城克之擒女得璆屍骸之俘其元帥海玉馬受
馬有才等並其俘黨數萬

三年春三月劉錦棠張曜等攻克連坂吐魯番託克遜三城先是阿古相據託克遜築三城自衛
託克遜者噶孫營也北守連坂拒錦棠烏垣南守吐魯番拒張曜哈密白彥虎于小虎據南山小
東溝錦棠趨小東溝彥虎等先期走金口峽錦棠復追及之彥虎小虎併入託克遜瑪納斯南城
既克自復大雪封山諸軍不能踰嶺而南阿古相等乘暇移連坂新城兩山間以大通哈(譯書
大總管)愛伊德爾呼里守之吐魯番故有滿漢兩城阿古相次于海古拉又日復萬夫造王所

規模雄潤。上年冬。阿古柏令彥虎與馬人得守吐魯番。海古拉守託克遜。愛伊德爾呼里守達坂。自居喀喇沙爾。為中樞策應。至是水解。錦棠自烏垣攻達坂。張曜自哈密西進。先遣提督孫金彪與徐占彪會師鹽池。趙吐魯番。錦棠抵達坂城內。引湖水衛城。水深及馬腹。提督余虎恩陶士林副將夏辛酉等馬隊掠過深湫。列城左山岡。提督譚上達譚和義戴宗勝等馬隊列城後山阿。將總兵在偉等馬隊承其衝鋒。敵人方卧未覺也。天明霧收。城中望見大驚。發西洋槍礮下擊。自卯至午不絕。圍師少傷亡。屹立不為動。錦棠策馬圍覽城濠。坐騎中鎗路。易馬而前。令各營築壘。掘濠以困之。復修城東築礮臺。敵騎番進。赴援皆敗。總兵侯名貴并開花礮三真礮臺。連環轟擊。城中人馬碎裂。奪奪門走。諸軍逼之不得出。錦棠使人呼曰。縛其裝者有賞。於是大小頭目自愛伊德爾呼里以下。肝巴提六人。王子巴什（譯言哨官）六人。及管理執事什長之難恣致麾下。無一脫者。遂克達坂城。進駐白楊河。聞高武軍（張曜所部）已至吐魯番。遣羅長佑往會戰。彥虎遁去。人得詣焉。武軍降。遂收復吐魯番。滿漢兩城。錦棠急馳百里。抵託克遜。海古拉亦先渡。渡回二萬餘皆降。錦棠遂入城。於是託克遜三城皆下。夏四月。阿古柏自殺。自吐魯番告克南八城門戶洞開。阿古柏在庫爾勒。日夜憂泣。不知所為。白彥虎益掠人畜。焚村堡。骨骸回同奔。雖回皆怨。阿古柏又遣使回庫。達坂釋歸之眾數千。強半為阿古柏所戮。除悉禁錮之。怨毒中人深。人人思報復之。阿古柏和人心已去。遂飲藥死。海古拉淹其屍水中三日。始出。裹香牛皮。身之。西行將達庫車。伯克胡里使使截之。半途殺海古拉。安集延所呼小帕夏也。阿古柏據託克遜。後尊下尊為畢調勒特汗。有子四人。長咬哥。即伯克胡里。克庫車伯克。非所愛。次咬都魯股魯。即海古拉。有窺

於阿古柏欲立之次引上胡里克阿克蘇伯克次邁底胡里克吐魯番伯克海古拉既死伯克胡里保南境而至其下稱新帕夏庫爾勒諸回推彥虎為守彥虎駐開都河西岸觀入俄羅斯秋九月劉錦棠復新疆南路東四城是年七月錦棠先遣提督湯仁和等自托克遜進兵總兵董福祥張俊等自阿哈布拉沿途置哨壘張春發繼之自由間道趨進期會師回惠八月諸軍集回惠提督余虎恩出庫爾勒之背錦棠趨開都河彥虎壅河水溢百餘里以逼之錦棠率馬步統渾行鹹地紆折達開都河東彥虎先期走庫車遂於是月親收復喀什沙爾城虎恩收復庫爾勒城錦棠躡敵至庫車彥虎遂復庫車九月至拜城回目買賣提托呼達等出降錦棠留總兵方友升鎮撫而自履水夜行趨鋼廠與敵遇敵列陣河岸拒戰錦棠親鼓之敵騎皆廢積屍塞河水為之不流復促所部亂流而渡至上鋼廠敵分兩路迎拒錦棠亦張兩翼擊之副將夏辛酉總兵張宗本提督譚慎典以馬隊衝其右提督席大成戴宏勝賀長發以步隊繼之提督黃萬鵬總兵在偉舉大才副將為益長禹中海李金良游擊馬殿林以馬隊衝其左總兵張俊胡登花以步隊繼之而自率馬隊親兵居中調度及戰馬步併力夾擊敵兩路皆潰擒斬無算遂引軍西渡戈壁馳薄阿克蘇守城回目率回民十餘萬迎降遂復阿克蘇既值知安集延各酋走葉爾羌彥虎走烏什諸軍趨烏什攻克之遂復烏什彥虎遊黑利里斯(厄魯特種)進至阿他伯什阻戈壁而返是役一月中軍行三千餘里下南疆東四城兵威大震遠人惜服冬十一月三品京卿劉錦棠克復南路西四城南路東四城既復阿古柏長子新帕夏伯克胡里據喀什噶爾猶保西三城而和闐伯克呢牙斯圖反正乘隙圍葉爾羌伯克胡里引兵擊敗之遂據和闐而喀什噶爾滿漢兵弁守城者

使使過錦堂。安酋阿里達什保回城以攻漢城。約白彥虎米喇伯克胡里乃桑和蘭走英吉沙爾。併入回城。是月錦堂分三路進軍。令虎恩督黃萬鵬及總兵桂錫楨等軍。逼喀城伯克胡里阿里達什及彥虎分路遁入俄羅斯。遂克喀城。斬其元帥王元林。副元帥白彥龍。生擒陝回子小虎及其元帥馬元旋。錦堂收復葉爾羌英吉沙爾。董福祥亦復和闐。於是南疆西四城皆下。停故帕夏阿古柏妻妾及其子引上胡里邁底胡里並兩少子二女三孫。誅之于小虎馬元及迎阿古柏入喀之金相印父子。謀於市。誅得黨千百六十人。新疆悉平。是役不及一月。連復四城。廓清二千數百里。捷歸晉宗棠二等侯。錦堂二等男。其餘諸將。哈奕有差。

四年冬十月。遣政使劉錦棠大破安集延布魯特於玉都巴什。安酋阿里達什自俄境糾布酋阿布都勒哈瑪。出令曼謀。襲喀什噶爾。錦堂親擊於玉都巴什。大破之。令曼回目庫爾。設伏殺阿里達什。以獻阿布都勒哈瑪。走投俄屬那來地方。

五年春正月。劉錦棠大破布魯特安集延於烏帕爾。阿布都勒哈瑪入俄境。復糾居留俄境之安酋愛克木汗。倂勒及阿希木汗。修勒。咬買提和卓。二人兄弟。為張格爾弟玉素普之孫。於上年十二月。再謀內犯。盡脅布魯特克各回部。稱為阿古柏復仇。是月已亥。烏帕爾近邊。錦堂聞警。定四面兜剿之策。遣方及升進烏帕爾。謹慎與進玉都巴什。張俊胡登花石。鹽玉進烏魯阿提。董福祥。張宗本督同總兵田九福。夏辛酉。進無胡素魯克。而自率羅長佑等。向博斯塘特勒克。邁進徑搗敵巢。比至敵大隊已趨烏帕爾。張營提督段相溪。張復良。李雲照。參將劉必勝。外委何俊。分三路抄擊。大破之。敵軍折回博斯塘特勒克。錦堂督軍迎擊。谷口湯尼和張春發等設伏谷中。及戰。

長佑將中。友升將左。楊金龍將右。分三路衝入敵陣。敵敗不支。分為二股。一衝谷口。其歸巢伏起。大股盡殲。一由谷外西走。長佑等追至卡拉阿爾提。愛克木汗條勒。阿布都勒哈瑪。已出黑子里。連坂還阿來俄境矣。其在烏魯陌提等處者。為諸軍擒斬淨盡。綜計是役。陣斬阿布木汗條勒。咬買提和卓。回酋貴奇提。及斯拉木三人。又安兵七百有奇。布兵千四百有奇。擒斬胖色提十有七。玉子巴什六十有奇。生俘及奪獲。猶無數。提奏入京。頒賜錦棠上方諸珍物。餘優獎有差。夏五月。命侍郎崇厚出使俄羅。與議收還伊犁事。初。俄人乘中國有事。先後誘脅哈薩克。布魯特。種人歸附。又攻奪浩罕三部。而浩罕屬安集延。亦隨風而靡。至同治十年五月。俄人藉口於伊犁。回變時。俄商被害者眾。使其將軍科哈夫士克。以兵據伊犁。及光緒三年。中國收復吐魯番。擬進兵南路。時侍郎郭嵩燾出使英吉利。英人恐安集延為俄人所併。或為中國所滅。皆將不利於英。其駐華使臣威妥瑪。因為安集延。屢以扶持保護立國為辭。事下左宗棠。宗棠上疏。為揭破其情。謂安集延。非無立足之所。何待英人別為立國。即欲別為立國。則割英地與之。或即割印度與之。可也。何乃索我歐地以示恩。且言英人陰圖為印度增一屏障。公然強我於回疆。撤一屏障。此何可許。我愈示弱。彼愈逞強。勢將伊於胡底。臣奉職邊方。惟有勉及驚鈍。不顧目前成敗。利鈍圖之。現在南路之師。擬於八月中旬。九月初旬。分起進發。前聞英人遣使安集延。臣已馳告劉錦棠。張曜。善為接待。如論及回事。則以我奉命討復疆土之賊。以復我舊土地。他非所聞。如欲議論別事。請向肅州大營。彼如來營。臣自有以折之。詔如所奏。行追東四城。吉克時。議以伊犁。又為俄據。恐難遽復。詔宗棠統善全局。宗棠覆奏。略稱。重新疆。所以保蒙古。保蒙古。所以衛京師。若新疆不

國則蒙古不安。匪特陝甘山西各邊時虞侵軼。防不勝防。即直北關山亦將無晏眠之日。况俄人拓境日廣。由西而東。萬餘里。與我北境相連。僅中段有蒙古為之遮斷。使新軍遠由定宜先充。不可不預為綢繆。又言英人為安集延說者。慮俄之營食其地。於英有所不利。俄方爭土耳。其與英相持。我收復舊疆。兵以義動。設有意外爭辨。在我仗義執言。亦決無所撓。屢疏末復。力言地不可棄。兵不可傷。非連復股疆。無從着手。遂遵規西四城。並克之。宗棠欲更收伊犁。而俄人以代收代守之名。為種種要索。至是朝命宗厚赴俄。與議條約。冬十二月。撤宗厚歸國。華職遂空。下之獄。先是宗厚奉使至俄。與俄人布萊訂立新約十八條。一。俄願將伊犁交還中國。二。中國收還伊犁。俟願明降諭旨。赦宥伊犁民人前罪。三。凡伊犁民人遷入俄界者。俄國待之如己民。四。俄國民人舊日在伊犁所得之家產。仍歸其有。五。伊犁作何歸還。應由中國諭左宗棠等。俄國諭耆爾曼等。五。高六。俄既歸還伊犁。中國願給俄國銀五百萬盧布。從立約後一年內陸續清付。七。伊犁既還中國。當以可西河之西。及麓山之南之地。以至於底克斯河。盡讓與俄。八。相議將大城交界。稍為更改。九。交界既由二國官員勘定後。應立界竿。以昭信守。十。除喀什噶爾及庫倫兩地已照先立和約。俄國立有領事外。今議定在嘉峪關科布多哈密吐魯番烏魯木齊庫車各地。各再設立領事。十一。領事與中國地方官有五商事件。其文移悉用平行。華官待領事以客禮。十二。凡蒙古天山南路天山北路等。俄商貨物往來。俱不必付稅。十三。凡所議設有領事官之地方。並立一通商局。並在張家口一律設立。十四。凡俄商販運貨物至張家口嘉峪關天津漢口等處者。可過同州府西安府漢中府各路。其將中國貨物運入俄國。亦由此路行走。十五。此約自從兩國御允後。五

年內不必更改。十六俄商已願另立低茶之稅。此事當由中國總理衙門核定。十七按照先立之約。凡有民人牛隻奔逃過界。總由地方官出力尋還。若實在無蹤。亦不必由地方官賠償。十八此約既立。經俄皇簽名。後一年內。由中國皇上蓋用御寶。送至俄京。至是。咨送回國。朝鮮賊匪修撰王仁堪。原吉士。威里。沈馬。張之洞。交章論劾。合謂此舉。借俄入兵費銀二百八十萬兩。割伊犁西界數百里與俄。又割南界數百里。跨天山以隔南八城。並開口岸多處。其他損失權利者尤多。在俄人索之。可謂至貪至橫。而崇厚許之。可謂至諂至愚。於是據崇厚回國。職職運治。而今廷臣疆吏會議。萬全之策。崇厚旋定為斬監候。

六年春正月。命一等毅勇侯太僕寺少卿曾紀澤出使俄國。斯高改收回伊犁條約。崇厚與俄所議條約。既經中外大小臣工會議。諸多窒礙。難行。詔紀澤自英赴俄。將收還伊犁條約。再行商改。秋七月。召左宗棠來京。以劉錦棠督辦新疆軍務。後唯督辦軍務。楊昌濟護理陝甘總督。先是以崇厚與俄所議伊犁條約。中多所不便。詔下宗棠議。宗棠疏陳當先之以議論。委旋而用機。次決之以戰陣。堅忍而求勝。拜摺。宗棠即分兵進取伊犁。奏以精河一帶為東路。伊犁將軍金順主之。自阿克蘇沿特克斯河為中路。廣東提督張曜主之。自烏什經布魯特為西路。幫辦軍務劉錦棠主之。復分遣譚上連軍。毛咨什噶爾。據拔革軍。毛阿克蘇。陶鼎金。王福田等軍。毛咨密為復路聲援。四月。宗棠發肅州。昇機以行。五月。抵哈密。俄人亦增兵守伊犁。納林河。別以兵艦翔海上。冀震撼京師。於是天津奉天山。東皆警。乃召宗棠入京。備顧問。以錦棠代督軍張曜。劉之昌。海權總督。命曾國荃督辦山海關防務。時聞俄人將於八九月間。調撥兵船來華。封閉遼海。以為挾

制之信。故有是命。並命鮑超羣勇駐紮天津山海關兩處適中之地。命釋崇厚於俄國。曾紀澤
奏近聞外國議論以中國將崇厚問罪。有關俄人顏面。恐因誤會而起嫌疑。未免有妨睦誼云云。
諭令即行開釋。

七年春正月。曾紀澤與俄人定約於聖彼得堡。紀澤抵俄。與其外部大臣格爾斯及前駐華公使
布萊商打條約二十款。專條一。又陸路通商章程十七款。卡倫單一。成計改前約者七端。一。歸還
伊犁南境二喀什噶爾界務。不據崇厚所定之界。三。塔爾巴哈臺界務。照崇厚明誼（同治三年
事）所定兩界之間酌中勘定。四。嘉峪關通商。仿照天津辦理。西安漢中兩路及漢口。字樣均刪
去。五。松花江行船。至伯都訥。專條廢去。六。添設領事。僅於吐魯番添設一員。餘俟商務興旺時再
議添設。七。天山南北路貿易納稅事。改均不納稅。為暫不納稅。此外添償盧布四百萬圓。奏入奉
旨允准。收還伊犁事遂結。時中外交稱紀澤之能。而紀澤深自謙抑。奏稱此次俄人輕棄已得之
權利。全由俄土戰後財庫力竭。其君臣雅不欲再啟釁端。故得從容商改。和平了結。若議者以為
俄強大之國。尚不難遣一介之使。取已成之約。而更改之。執此以例其餘。則中外交涉。更無難了
之事。斯言一出。將來必有承其獎者。

清史紀事本末卷五十八

通使及選派留學

德宗光緒元年。秋八月。派侍郎郭嵩燾。道員許鈴身。出使英國。改派鈴身。出使日本。國。以五品京堂劉錫鴻。代為駐英副使。鈴身因事留直隸。又以侍講何如璋。代使日本。初。同治六年十月。派道員志剛。即中孫家穀。偕美使蒲安臣。出使有約各國。辦理中外交涉。九年五月。天津教案起。命侍郎崇厚。出使法國。皆臨時派遣。非常駐之員。是年五月間。總理各國事務衙門。奏請預儲熟悉洋務人才。得旨允行。至是。復有是命。令諸使臣分駐各國。統率參贊領事等官。辦理一切交涉事件。冬十一月。以三品京堂陳蘭斌。同知容闈。出使美日秘三國。先是。同治十一年正月。江督曾國藩。直督李鴻章。奏請挑選幼童。赴美國肄業。蘭斌與闈。同派管理學生。常川駐美。經理一切。至是。奉命駐紮美日秘三國。為公使。蘭斌等。抵美後。查美國各邦華人。共十有四萬餘。計金山一帶。已有六萬餘。奏設領事於金山。埠。以道員陳樹棠。充總領事。駐劉其地。金山美紳。傅列秘。充領事。至日。查有古巴屬島。華民傭工。其處者。有六萬餘人。因設古巴總領事一。以主事劉亮沅。充之。馬丹薩領事一。以同知陳善書。充之。尋又設秘魯嘉里約領事一。暫駐利馬。並居駐秘參贊署中。復專駐海口。

二年。秋八月。總理各國事務衙門。奏定出使經費。允之。時雲南匪徒。戕殺英人馬嘉理一案。議結。李鴻章與英使。議定條款。內有商派使臣。齎奉國書。赴英。表明惋惜一條。故前派使臣郭嵩燾等。將出洋。前往英國。至是。總署擬定出使經費。呈奏。得旨允行。冬十二月。李鴻章。沈葆楨。奏請派

道員李鳳苞等率領福建船廠學生三十名分赴英法兩國學習製造駕駛從之先是同治六年六月閩督左宗棠奏設船廠於福建保薦保植總理船政前後五年造成輪船三號兵輪二十艘分布各海口。祖立拉鐵打鐵鑄鐵輪機水缸諸廠開學堂二所選幼童分習駕駛製造諸藝。十二年十一月奏請於船廠前後學堂選派學生分赴英法學習製造駕駛。飭下鴻章等會同設因臺灣有事撤議及光緒元年四月閩廠監督日意格回國保相遺學生數名隨往法國游學。是年三月海防洋務習都司李勵協解職回德鴻章奏派武弁卅長勝等七人同往德國武學院講習水陸軍械技藝。是又遣鳳苞率同製造學生十四名製造藝徒四名赴法國官學官廠學習製造。又駕駛學生十二名赴英國格林回次把士穆德學堂並鐵甲大兵船學習駕駛兵船。

三年春三月改派駐英副使劉銘鴻出使德國裁駐英副使。夏五月駐劄日本使臣何如璋奏請於日本口岸設立理事。從之橫濱築地兩口設正理事。以同知范錫朋派充神戶大坂兩口設正理事。以同知劉壽鏗派充長崎一口設正理事。以中書全璜派充。秋九月駐英使臣郭嵩燾奏請於英屬新嘉坡設立領事。從之嵩燾奏稱英國之新嘉坡島為萬國通衢。五方雜處。華商輻輳。往來日臻繁盛。應請設立領事官。以道員胡璣澤充當。得旨允行。

四年春正月命駐英使臣郭嵩燾兼充法國公使。秋七月命一等毅勇侯候補京堂曾紀澤出使英國。法國道員李鳳苞出使德國。

五年夏五月命侍郎崇厚出使俄國。旋授全權大臣。許其便宜行事。因與俄政府議收還伊犁事也。

六年春正月。命大理寺少卿曾紀澤。出使俄國。將崇厚所議收還伊犁條約。再行商改。

七年春三月。陳蘭斌等奏設檀香山領事。從之。太平洋中有國曰山域。治埃蘭。譯稱檀香山。其轄八島。為華民出洋要衝。又為美國金山後路。且係秘密來華中站。至是議設領事於其地。以商董向知銜陳國芬改為領事官。秋七月。命三品宗室鄭濬如出使美日秘三國。召陳蘭斌回京。在總理各國事務衙門行走。始裁副使。濬如抵美後。奏設紐約埠領事。以通判歐陽明充領事官。

十年夏四月。命侍講許景澄出使法德義荷奧等國。未到任以前。以李鳳苞兼署。

十一年夏五月。召曾紀澤回京。以江西布政使劉瑞芬出使英國俄國。時因英滅緬甸。分界事聞。繫暴重。召紀澤回京面詢。以瑞芬代之。命侍郎張蔭桓出使美日秘三國。

十三年夏五月。命內閣學士洪鈞出使俄德奧和等國。大理寺卿劉瑞芬出使英法比等國。道員李興銳出使日本國。興銳因病未行。以庶常黎庶昌代之。冬十二月。兩廣總督張之洞奏設小呂宋領事。不允。小呂宋埔。為日斯巴尼亞國屬地。之洞屢疏稱。小呂宋埔計有華民五萬餘人。分訴日人虐害情形。懇請派官保護。綜核情形。非設總領事不可。經電商使臣張蔭桓擬派總兵銜兩江先用副將王榮和為駐劄小呂宋總領事。總署難之。不允行。

十五年春二月。命江蘇按察使陳欽銘出使英法義比四國。尋欽銘以病免。以大理寺卿薛福成代之。三月。命侍講在國因。出使美日秘三國。

十六年秋七月。命侍讀許景澄出使俄德奧荷四國。道員李經畬出使日本國。

十七年春正月。駐英使臣薛福成奏設南洋各島領事。從之。上年七月。海軍提督丁汝昌巡歷南

洋羣島其未設領事各地華民約三十萬。備受土人虐待。因而環訴於汝昌。請求奏設領事。汝昌歸言於總署。咨令福成酌奪辦理。至是。福成請於香港設一正領事。以新嘉坡領事知府左東陞派充。新嘉坡原設領事。改為新嘉坡兼轄海門等處總領事。以駐英二等參贊道黃遵憲調充。駐劄新嘉坡。兼轄麻六甲（即明史滿刺加國）丹徒斯羣島。檳榔嶼。威利司。雷峇暨其屬部科科斯羣島。以上皆英屬土英人定其總名曰海門。共計華民十七萬四千三百二十七萬。及白蠟（即卑力國計華民六萬餘）石蘭莪（即石郎阿國計華民二萬八千）松蓋芙蓉（計華民一萬）柔佛（計華民十萬）以上皆小邦。歸英保護者。英人聯合各地定其名曰海門屬邦。

十八年。夏六月。命編修汪鳳藻出使日本。冬十二月。命太常寺少卿楊儒出使美日秘三國。

十九年。冬十一月。命道員龔照瑗出使英法美比四國。

二十年。冬十月。命湖北布政使王之春如俄。唁俄皇亞力山德之喪。並賀新皇尼可來弟二即位。二十一年。春正月。命大學士直隸總督一等肅毅伯李鴻章。如日本議和。時中日戰事方劇。而中國海陸軍隊屢敗於日本。因假鴻章以全權。往日本廣島（時日皇移駐廣島。兼應海陸各軍）講款。以美員福世德從。冬十二月。以明年四月俄皇加冕。派李鴻章為正使。往賀。先是王之春人微言。充唁使。故賀使即便派之。駐京俄使喀希尼忽抗言曰。皇帝加冕。俄國最重之禮。王之春人微言。不足當此責。可勝任者。獨李中堂耳。乃改派鴻章為頭等公使。前往俄國致賀。賀則喀希尼欲誘致鴻章往俄。辦訂中俄密約也。

二十二年。冬十月。命四品京堂羅豐祿出使英國。道員黃遵憲出使德國。四品京堂伍廷芳出使

美國

二十三年春二月命侍郎張蔭桓赴英國賀女皇維多利亞即位六十年慶典三月駐京俄使喀希尼微服潛赴英密邀蔭桓遊俄侍以殊禮以籠致之使不反對密約也命侍郎呂海寰出使德國荷國以黃遵憲奉命後緣事未行也

二十四年夏四月詔飭總理各國事務衙門酌派同文館學生並咨行直隸兩江兩廣湖廣閩浙各督撫遴選學生往日本留學從御史楊深秀請也是年間三月間日本使臣矢野文雄有函告總署據稱日本政府知中國需才孔亟倘選派學生出洋習業日本願供經費並親至總署面稱中國如派學生往日本肄業人數以二百名為限至是深秀奏及之乃有是命秋八月命四品京堂李威鐸出使日本國是年三月命黃遵憲使日未行至是政變遵憲稱疾請開去差使允之以威鐸往冬十月命駐俄使臣侍郎楊儒前往荷蘭國海牙城會議日英佛條約即紅十字會時各國在此議立保和公會會期

二十六年冬十二月命左都御史張百熙赴英國唁英君之喪並賀新君即位

二十七年夏四月命醇親王載灃為頭等專使赴德國上年五月北京舉匪亂作戕害德使克林德至是命載灃往德謝罪代表帝懺悔之意並達謝忱聞德皇將強之行跪拜禮留滯邊境不進經政府按國際公法力爭德皇始允予通融五月命侍郎那桐為專使赴日本以奉亂時日本使館書記生杉山彬在北京被戕至是遣那桐前往日本代表帝惋惜之意並達謝忱命五品京堂蔡鈞出使日本命駐紮各國公使訪察醫學咨送回華聽候考試錄用六月命知府許

台身出使韓國時朝鮮已稱帝改國號曰韓建元光武遣使來聘用敵國禮廷議以朝鮮藩屬今夜郎自大不如絕之帝曰我不能有而附於日日既左右之立國建元稱帝號矣國儼然鄰國也此與東西諸國寧有少殊乎我不能拒絕東西諸國之使奈何獨拒韓使遂令其覲見而報以國書如常禮至是遣台身出使於韓駐劄漢城台身旋奏設漢城總領事以舉人傅良弼派充命副都統蔭昌出使德國 秋七月調駐英公使羅豐祿出使俄國時以駐俄使臣楊儒與俄外部議約俄人威脅利誘儒不敢拒乃以下車傾跌致病請急命豐祿前往接替 八月命各省選派學生出洋肄業 召戴澧回國戴澧奉命抵德致遞國書之後擬即啟程前往美日及英意比等國德皇大不悅謂有違專誠之旨遂不允收禮而意皇致函戴澧約十月十五日後方能接待英廷亦無迎迓之諭戴澧電聞諭即啟程回華 冬十月命四品京堂張德彝出使英國時古巴宣告自主派德彝兼充古使與古巴安立新約

二十八年夏四月命五品京堂許鈺出使美國楊兆鋈出使比國吳德彝出使奧國向例英國以駐俄使臣兼充義比兩國以駐英使臣兼充而三國以國體所關屢請中國遣派專使因有是命

六月命五品京堂胡惟德出使俄國四品京堂孫寶琦出使法國 秋九月命各省選擇學生

派往西洋各國講求專門學業 冬十月派五品卿銜汪大燮為日本游學生總監督是年六月

間駐日使臣蔡鈞反對自費生九人入振武學校學生五十餘人赴使館請求日本警察署忽遣

捕學生代表吳啟恒孫松均遞解回國復叱逐五十餘人出署而鈞電北京外務部總理各

國事務衙門改設謂與學生受康有為曠使聚眾鬧鬧使署會美日專使貝子銜載振過日本晤

其外部大臣小村壽太郎日人固心直學生惟不欲顯持短長但以選派博學愛才之人充總監
督駐紮是邦為言。載振據以覆奏。至是派大燮為管理赴東洋游學生總監。青成既專取歸益
密日本留學界自是日益多事矣。十二月派貝子銜溥倫為美國散普伊斯城博覽會赴會正
監。於以道員黃開甲東海關稅務司美人柯爾樂副之。

二十九年秋七月以湖北游學日本學生王璟芬効忠守正賞給舉人出身。從撫臣端方電請也。
冬十月命楊晟出使英國。

三十年秋九月駐美使臣梁誠奏設墨國總領事。駐劄薩里那古盧斯海口。從之。外務部奏設
南美洲英國屬地總領事。駐劄打蘭士嘩路埠等處。以道員劉玉麟派充從之。冬十月派駐俄
使臣胡惟德赴海牙會議。十一月電諭駐日使楊樞密查留東學生設立同仇會事。時日俄構
兵以東三省為叢地。中國政府宣告局外中立。於是俄之海軍厚集旅順。分駐海參崴。其陸軍則
厚集奉天。分駐朝鮮。北及關東南部。政府不敢問境內主權門庭之內。聽人閑爭。日人譁然。相笑
之。謂中國此次空前怪狀之中。立為可笑可憐。留東學生心之全體激憤。一面倡立同仇會。既召
會員切齒裂眦。汗奔走。一面組織學生軍。遣代表鈕永建內渡。聯合南北。總吏運動政府。願總
師制以抗俄人。而政府則頑然不應。一面使直督拘捕代表。一面電促公使威逼解散。至商請駐
京日使內田善慶制留東學生之法。

三十一年夏六月政試出洋學生。賞金邦平等進士舉人出身有差。自是每歲試留學生以為常。
秋七月兩江總督周馥奏請選普通德文學生十名赴英國學習陸軍。下所司知之。續派商

部右丞紹英出洋考察政治。八月勅各省督撫多派學生游學歐美。命四品京堂劉世誥出使法國。三品京堂周榮曜出使比國。五品京堂黃浩出使義國。外務部參議汪大燮出使英國。楊晟出使德國。李經羲出使奧國。榮曜等事未行。改命順天府府丞李盛鐸出使比國。九月改派四品京堂楊兆璽出使比國。時李盛鐸會同黃澤等前往各國考察政治。改命兆璽使比。冬十月以前駐俄使臣陸徵祥為專使赴荷國海牙和平和會。以駐荷使臣錢恂副之。美前外部大臣福士達從會期訂於三十三年五月五日舉行。及開會。各代表提議設立公判所。會眾聲言中國法律最缺。謂說游徐錫麟秋瑾兩案株連慘酷。有永不許撤回領事裁判權之言。抑中國為三等國。徵祥據理力爭。政府亦屢請各國政府公認。頭等國辦理。法代表覆稱中國既照頭等國辦費。自應照頭等國接待。徵祥遂據向會中聲明。會中又以中國兵艦朽壞難保和平。復由徵祥電請政府速加整頓。會眾又讓中國武代表丁士源越分兵為請嚴加詰誦。飭遵軍統。十一月命度親王奕劻進派宗室出洋學習武備。

三十二年春三月命駐英使臣汪大燮為賀日斯巴尼亞皇大婚專使。秋九月賜游學畢業生陳錦濤等三十一人進士舉人有差。

三十三年秋七月命外務部右丞雷補同出使奧國。八月命商部左侍郎伍廷芳出使美墨秘古等國。九月于游學畢業生章宗元等進士舉人出身有差。冬十一月派道員副光典為歐洲游學生監督。十二月于進士館游學畢業員楊兆璽等獎勵有差。

三十四年春二月命外務部右丞胡惟德出使日本國。調錢恂出使義國。以陸徵祥出使荷國。

三月。允農工商部奏請於西貢河內瓜哇添設領事。夏四月。予游學畢業生章宗祥等進士舉人出身有差。六月。予進士館游學及外班畢業學員黎港枝等獎勵有差。因吳國滅收賄款。派奉天巡撫唐紹儀為專使前往致謝。秋八月。命陸軍部右侍郎蔭昌出使德國。九月。予進士館游學畢業員陳雲誥等獎勵有差。予游學畢業生陳振先等進士舉人出身有差。予進士館游學畢業員葉尤圻等獎勵有差。冬十月。御史葉希棠奏赴美游學生請按省分派下學部知之。

清史紀事本末卷五十九

英訂烟臺條約及續約

德宗光緒元年春正月英國總譯官馬嘉理被殺於雲南先是馬嘉理領總理各國事務衙門設
駐緬甸迎卹度汝來副將柏即等既得還折回雲南是時行至騰越廳屬蠻九地方被戕英人
以為雲貴總督岑毓英實主使之交涉遂起二月飭著雲貴總督岑毓英將英國總譯官馬嘉
理被戕一案確實查辦時論軍機大臣等英國注意雲南等處已非一日現欲借此開釁以為要
挾之計至應加意籌防著岑毓英將此案確切查辦並著劉永福即回任會同辦理一面進派
明幹之員帶領得力弁兵前往就近駐紮借彈壓土司為名暗杜彼族不測之謀或騰越一帶本
有兵勇屯戍即由該督撫密籌不可過涉張皇亦不可稍涉疏忽總期邊釁可息後患無虞方為
妥善三月飭雲貴總督劉永福等迅將馬嘉理一案持平辦理時總署探聞英國欲派兵進滇
並聞駐京英使威妥瑪出京時駐京俄使布策與之密商英兵進滇俄兵亦由伊犁進使中國首
尾不能相顧中國海關總稅務司英人赫德亦稱其國現派兵五千由緬甸藍貢海口至雲南交
界處所駐紮總署悉據以聞政府以所聞各節虛實雖未可知而亟應為先事綢繆之計詔飭督
臣劉永福撫臣岑毓英迅將此案確查秉公辦結並謂滇省野人雖居鐵壁關外其地尚屬中國
不得謂非中國管理設馬嘉理非野人所戕而接之野人或實係野人所戕而謂野人非王法所
能及勢必如上年臺灣番社之事使族即可派兵自辦遂其奸計云夏五月命湖廣總督李瀚
章往雲南查辦事件著即迅速赴滇將馬嘉理被戕一案會同該督撫秉公訊結秋八月飭回

川總督吳棠傳知前侍郎許煥迅速赴滇幫同李瀚章辦理馬嘉理被戕一案

二年夏六月命大學士直隸總督一等肅毅伯李鴻章為全權大臣即赴烟臺與英國使臣威妥瑪會商一切事務先是李瀚章等會辦滇案覆奏謂馬嘉理前此道滇赴緬沿途地方均妥為保護後由緬返滇中隔野人土司地界該處向多匪徒與野人勾劫其時騰越紳民聞洋人帶有洋兵多名將入關內是以集團自衛而馬嘉理自緬境折回未經知會地方官致匪徒乘機劫擄因洋人施放手槍覺其夥匪阿用一名登時起意拒捕殺害馬嘉理及其從人四名地方官實無調兵阻止及指使戕害情事而威妥瑪返京與總署王大臣會議仍堅請將全案人證提京覆訊王大臣不允威妥瑪遂於四月出京詔李鴻章侯其到津時與之互商既與威妥瑪至烟臺未即南下詔李鴻章馳赴與議秋七月李鴻章與威妥瑪定約於烟臺鴻章撤烟臺至威妥瑪處會商仍堅執事由岑毓英主使倘中國政府不允將全案提京彼已令觀審員格維納回英而陳並將全案文卷證據費送本國查核一月內方有辦法此時即與議商仍須咨請本國政府作主等語鴻章反覆與之駁詰以滇案業經欽派大員往查訊取供證確鑿若必欲將督撫大員提督須將所得岑毓英指使文札信據或的確可靠見證交出查驗當據以請旨否則中外各國皆無此辦法維威妥瑪又以上年秋間在總署議定辦理滇案優待駐京大臣暨頓通商事宜三大端須一併議辦乃可結案其意甚急而所言甚詳通俄德法美日奧六國駐京使臣及英德兩國水師提督均在烟臺鴻章故示整暇往來談話並詣英德兩兵船閱操會萬壽節鴻章又邀請各公使提督燕飲慶賀極力與之聯絡情誼方洽於是各使臣公議亦謂無確實證據請提京為非威妥瑪

始元方議辦法。旋訂定會議條款三端。再設一條。所謂烟臺條約者也。摘錄於下。第一端。照雪嶺案。一。咸大位。既有真案。奏稿。原本。由李大臣。或總理衙門。具奏。惟於出奏之前。須將摺本。交咸大位閱。存二。奏明奉旨發抄後。由總署。將摺件。諭旨抄錄。知照。並通行各省。將此次摺件。諭旨。詳細列入。告示。限兩年內。由英國駐京大臣。隨時派員。分往各省。查看。疾貼告示。情形。即由地方大吏。派委。委員。會同前撫。三。所有滇省邊界。與緬甸地方。往來通商一節。應如何明定章程。務於滇案議。定摺內。一併請旨。飭下。雲南督撫。俟英國所派官員。赴滇後。即選派。女幹大員。會同商議。四。自英曆明。年正月一日。即光緒二年十一月十七日。起。以五年為限。由英國派員。於滇省大理府。或他處。相宜地方。一區。駐紮。察看通商情形。並隨時。可與該省。官吏商辦。關於英國官民。一切事宜。五。所。有在滇。被害。人。並家屬。應給恤款。以及滇案。用過經費。並因各處。官員。於光緒二年以前。辦理未。協。有應償還。英商之款。現定。為關平銀。二十萬兩。由咸大位。隨時。充取。六。俟此案。議結時。奉有中國。政府。惋惜。滇案。並書。應即。欽派。出使。大臣。前往。英國。所有。使臣。銜名。及隨從。人員。均應。先行。知照。咸大位。以便。咨報。本國。其國。書。底稿。亦應。先送。閱看。第二端。京外。兩國。官員。會晤。禮節。及審辦。案。件。交涉。事宜。一。現因。兩國。官員。往來。會晤。及文移。往來。一切。事例。京外。尚有。未協之處。應由。總署。照會。各國。駐京。大臣。會同。商訂。禮節。條款。總期。中國。官員。看待。駐居。中國。各口。等處。外國。官員。之。意。與。泰西。各國。交際。情形。無異。且與。各國。看待。在外。之中國。官員。相同。緣中國。現有。派員。出使之。舉。此項。章程。亟應。定明。二。咸豐。八年。所定。中英。條約。第十六。款。所載。英國民人。有犯。事者。由英國。領事。官。或他項。奉派。幹員。懲辦。等字樣。查原約。內。漢文。以英國。兩字。包括。前經。英國。議有。細章。並。

添派按察司等員在上海設立水審公堂。以便遵照和約辦理現英國業將前定章程修改盡善。中國亦在上海設有會審衙門。辦理中外交涉案件。而所派委員審斷案件。或因事權不一。或因顧忌嫌怨。往往未能認真審訊。茲議由總署照會各駐京公使將通商口岸。應如何會同總署議定。水審章程。妥為商辦。三凡遇內地各省地方。或通商口岸。有鬧警英人命案案件。或由英國大臣派員前往該處觀審。至中國各口岸審斷交涉案件。兩國法律既有不同。只能視被告者為何國之人。即赴何國官員處控告。原告為何國之人。其本國官員。只可赴承審官員處觀審。倘觀審之員。以為辦理未妥。可以逐細辯論。庶使各無向隅。各按本國法律審斷。此即條約第十六款所載。會同兩字本意。以上各條。兩國官員。均當遵守。第三條。通商事務。一議。准以各口租界。作為免收洋貨釐金之處。並添開宜昌蕪湖溫州北海四處口岸。作為領事官駐紮處所。及重慶可由英國派員駐紮。查看川省英商事宜。輪船未至重慶以前。英國商民。不得在彼居處。開設行棧。俟輪船能上駛後。再行議辦。至沿江之大通安慶湖口武穴陸漢口沙市等處。均係內地處所。並非通商口岸。按長江統共章程。不准洋商私自起下貨物。今議通融辦法。輪船准暫停泊。上下客商貨物。皆用民船起卸。仍照內地定章辦理。除洋貨半稅單。照章查驗免釐。其有報單之土貨。只准上船。不准卸賣外。其餘應完稅釐。由地方官自行一律妥辦。二新舊各口岸。除已定有各國租界。應無庸議。其租界未定各處。應由英國領事官。會商各國領事官。與地方官商議。將洋人居住處所。畫定界址。三洋藥一宗。咸大臣議請本國。准為另定辦法。與他項洋貨有別。今英商於收運洋藥入口時。由新關派人稽查。封存棧房。或變賠。俟售賣時。洋人照則完稅。並令買客一併在新關輸納釐

稅以免偷漏其應抽收釐稅若干由各督察勘情形酌辦四洋貨運入內地請領半稅單照各國條約內原已訂明自當遵辦嗣後各關發給單照應由總署核定畫一款式不分華洋商人均可請領並無參差洋商辦土貨由內地運往口岸上船條約內亦有定章英商完納半稅請領單照即可運往海口若非英商自置土貨該貨若非實在運往海關出口不得援照辦理所有原定章程免致滋生弊端之處咸大臣即願會同總署設法商辦至通商善後章程第七款載明洋貨運入內地及內地置買土貨等語係指沿海沿江沿河及陸路各處不通商口岸皆屬內地應由中國自行設法防弊五咸豐八年所定條約第四十五款內載英商若將已經完納稅項洋貨復運外國稟明海關監督發給存票他日均可持作已納稅餉之據等語原約並未定有年限今訂明三年為期限滿作廢六香港洋面粵海關向設巡船稽查抗事宜屢由香港官憲聲稱此項巡船有擾累華民高船情事現在議定即由英國選派領事官一員由中國選派平等官一員由香港選派英官一員會同查核定章遵辦總期於中國課餉有益於香港地方事宜無損七以上議准添開通商各口岸及沿江六處准起卸貨物一節應由李大臣奏請於半年後開辦各口租界免洋貨釐金及洋藥在新開併納釐稅兩節俟英國會商各國再行定期開辦另議專條現因英國酌議約在明年派員由中國京師啟行前往適慶甘肅青海一帶地方或由內地四川等處入藏以抵印度為探訪路程之意所有應發護照並知會各處地方大吏暨駐藏大臣公文屆時當由總署察酌情形妥為辦結

十一年夏五月駐英使臣一等毅勇侯曾紀澤與英首相兼外務尚書侯爵沙力斯伯里續訂烟

壹條約專條十款成洋藥稅釐併徵在烟壹條約延擱數年。迄未開辦。迭經總署與英使威妥瑪商議。總以咨報本國為詞。指作延宕地步。至九年正月。以威妥瑪回國。詔派紀澤與英外部商辦此事。期在必成。如李鴻章前議百一十兩之數。並在進口時輸納。即可就此定議。紀澤屢與其前外部尚書伯爵葛爾蘭斐爾磋商。至本年二月。始克成議。會葛爾蘭斐爾退職。沙力斯伯里以首相兼外部尚書。紀澤屢催訂期畫押。英外部忽稱印度部因中國內閣學士周德潤奏參鳳陽關違例收稅事。索紀澤文據擔保。此次所訂專條。不致為官吏所壞。卒致不行。等語。紀澤中辦再三。最後具請聲明條約既定。不致有意外之勒索。英外部始訂期是月初三日畫押。訂條約專條十款。所謂烟壹條約者也。列於下。一、烟壹條約第三端第一第二兩節所擬辦法。現在議定。應由兩國國家日後再行商酌。二、烟壹條約第三端第三節所擬洋藥辦法。今議定改為洋藥運入中國者。應由中國海關驗明。封存海關。推設具有保結之棧房。或封存具有保結之曼船內。必俟按照每百斤箱向海關完納正稅三十兩。並納釐金不過八十兩之後。方許搬出。三、現在議定。凡照上節所載正稅釐金兩項完納之後。該貨主即可在具有保結之封存處。所眼同海關將洋藥拆改包裝。其貨已無種式樣尺寸。應由海關官商會同該口領事官預先酌定。聽貨主擇用。如貨主於此時請領運貨憑單。海關即當照給。不取分文。其所請憑單。或每包一張。或數包一張。悉聽貨主之便。凡有此等運貨憑單之洋藥。運往內地之際。如貨包未經拆開。暨包上之海關印封記號碼數。均未擦損。私改印無須再完稅捐等項。此等運貨憑單。只准華民持用。而洋人牟利於此項洋藥者。不許持用。憑單運寄洋藥。不許押送洋藥。同入內地。四、現在議定。給發憑單章程。各口一律五中。

國國家應許此等貨也在行銷洋藥地方開拆者如有應納稅捐等項或當時所做或日後所設或由明收或由暗收均不得較土烟所納稅捐等項格外加增亦不得別立稅課如此等稅捐係照貨價計課即應將洋藥與土烟價值相較均算其較真之法應於洋藥之市價內扣除進口時所納釐金六現在議定此次所定增專條應與一千八百七十六年九月十三日所定烟臺條約視同一律其實力鄭重之處亦與逐字載入烟臺條約無異此專條應於畫押以後六箇月開辦施行此指兩國批准文據已在期內互換而言倘期內未能互換即自互換之日開辦施行七專條所載洋藥章程議定照行四年四年以後兩國如有欲廢棄章程者無論何時皆可先期十二個月聲明一經通知在期即為廢絕惟議定倘查所發運貨憑單於海口運送洋藥前住內地行銷處所之時仍不免其輸納一切稅捐等項則無論何時英國即有廢棄專條之權倘續增專條既經廢棄則洋藥辦法仍應照現在所行之天津條約所附章程辦理八續增專條既經開辦如查其中有應行變通更改之處兩國國家即可會同商議酌改九烟臺條約第三端第七節所載派員查禁香港至中國偷漏之責應即作速派員十此次專條所改之烟臺條約暨此次議定續增專條一併由兩國朝廷批准文據應在倫敦作速交換定約大臣各奉本國國家之命議定續增專條畫押蓋印此專條係在倫敦繕立漢文兩分英文兩分共為四分

清史紀事本末卷六十

法越兵事及和約

德宗光緒九年春三月命大學士直隸總督一等肅毅伯李鴻章馳往廣東督辦越南事宜即制廣東廣西雲南三省防務安南自故廣南王喬傑阮福映得法人之援以嘉慶七年恢復占衛受中國冊封改稱越南國王後法使至越南索酬金國王靳之遂開法人侵略之端越咸豐間又因殺害教民與法構兵同治元年始立約講和劉南圻之嘉定遣和定祥(外三省)昇法人十二年又開兵端再訂和約又劉永隆安江河仙(內三省)之地予之於是南圻全為法路改嘉定為西貢成為大埠上年法人欲實行紅河(富良江一名珥江屬北圻)通商有黑旗黨魁劉永福者太平軍故將也其軍旗尚黑故以黑旗名太平國亡後永福以所部入越越王招撫授以三宣提督之職轄宣光興化山西三省永福遂扼守山西保勝一路權高執以供軍餉故法人必欲驅除之以通保勝商路而永福誓死不相退讓法人固和約內有出資剿匪之條遂指黑旗軍為匪以兵船駛至海陽聲稱攻取東京三月陷河內是年二月又陷南定進陷河陽其附近之廣安寧平二者均為所佔時永福駐山西軍絕精悍又得滇督岑毓英助軍火故屢戰勝法師法人既憚永福乃別以兵船攻東京順化河岸礮臺陷之適國王阮福時死國人殺其嗣王推立其弟福昇法人逼脅立約權利盡失旋福昇仰藥自殺國人又立福時之子福慶年十二受脅不能自振始使使來告是朝命鴻章迅速前往廣東督辦越南事宜所有廣東廣西防軍均歸節制秋八月命兵部尚書彭玉麟往廣東督辦海防先是李鴻章奉命督師援越未行與駐京法使寶海在天津訂約三

條。已有分界保護越南之議。中國方許退軍。而法廷忽翻成約。謂中國已飭諸軍退紮。足令法國派出驅逐黃黑旗黨巡軍。無有阻難。立召寶海回國。以脫利古代之。脫利古至上海。命鴻章與之高辦。無成。讓脫利古聲言將來兵船入京。政府亟命鴻章遣直隸任。至是。脫利古又揚言至廣東。故命玉麟赴粵。而命南北洋妥籌防務。

十年春三月。廣西巡撫徐延旭。雲南巡撫唐炯。均革職。連問。先是延旭奉命出關督師。粵督張樹聲所遣提督黃桂蘭。董履高。等。多淮軍。延旭不敢違。總督意。倚桂蘭。俾盡統諸軍。凡四十二營。駐北寧。當前敵。而自統二十餘營。駐涼山。為後路。桂蘭在軍。日夜酣酒。奪民間妹。患。閩女之稱。恣為荒淫。不恤軍事。部下益相習。無紀律。越南人怨之。次骨。會有教民。誦其將黨。敏宣。為言於桂蘭。給軍裝助戰。教民得軍裝。遂助法兵來攻。全軍潰走。北寧遂失守。事聞。延旭連問。調湖南巡撫潘鼎新。為桂撫。而政使王德榜。為提督。桂蘭自殺。新敵宣以殉。唐炯出關。見敵勢盛。遂於中道折回雲南。致諸軍退紮。山西失守。至是。亦連問。命馮督岑毓英。出關督師。夏四月。李鴻章與法國水師總兵福祿諾。在天津。議定簡明條款五款。成時。法越事勢。益。興化。已為法人佔守。粵稅司德人德。單。力。任。調。德。詔。鴻。章。通。盤。籌。畫。酌。定。解。法。至。是。鴻。章。與。福。祿。諾。議。定。五。款。一。中。國。南。界。罷。運。北。圻。法。國。約。明。無。論。邊。何。機。會。或。並。有。他。人。侵。犯。事。情。均。應。保。全。護。助。二。中。國。南。界。既。經。法。國。與。以。實。在。憑。據。不。虞。有。侵。佔。滋。擾。之。事。中。國。約。明。將。所。駐。北。圻。各。防。營。即。行。調。回。邊。界。並。於。法。越。所。有。已。定。與。未。定。各。條。約。均。置。不。理。三。法。國。既。感。中。國。咨。商。之。意。並。致。李。大。臣。力。顧。大。局。之。誠。情。願。不。向。中。國。索。償。賠。費。中。國。亦。宜。許。以。毗。連。北。圻。之。邊。界。所。有。法。越。與。內。地。貨。物。聽。憑。運。銷。並。約。

明日後另遣使臣議定詳細商酌稅則務須格外和衷期於法國商務極為有益四法國約將來與越南議改條約之內決不插入傷礙中國威望體面字樣並將以前與越南所立各條約開礙東京者盡行銷廢五此約既經彼此簽押兩國即派全權大臣限三月後悉照以上所定各即會議詳細條款再此約繕寫中法文各兩分在天津簽押蓋印各執一分為據應按公法通例以法文為正 閏五月命兩江總督一等威毅伯曾國荃與法使巴德諾在上海會議詳細條約先是福祿諾臨行與李鴻章言擬派派巡查越境及駐逐別團（黑旗兵）各語鴻章不以上聞奉旨申飭時岑毓英駐保勝潘鼎新駐諒山朝命將駐紮北圻各軍調還關內而法軍旋以巡邊為名攻犯諒山鼎新等屢有捷奏法提督孤拔率兵船來福州馬尾有佔據地方為質索賠兵費之說法使巴德諾逗留上海詔國荃前往與議旋國荃謀許給撫卹銀五十萬兩嚴旨申飭又以巴德諾照會無理已甚諭一意主戰 六月法兵攻陷臺北基隆砲臺又攻滬尾砲臺巡撫銜督辦臺灣軍務劉銘傳擊卻之銘傳軍抵基隆越七日法人來犯毀砲臺銘傳以臺灣無兵艦海面不可爭鋒真誘之陸戰令其登岸而後迎擊是月銘傳率四提督曹志忠章萬元蘇得勝都長安與法人戰於基隆斬其酋三兵百餘奪獲鎗砲多件法兵大敗追至海濱而還銘傳時以滬尾離臺北府僅三十里離基隆八十里臺胞兵甲恐後路稍有疏虞則基隆之兵不戰而潰於是朝戰勝而夕退軍入山後使法人聚於基隆則沿海邊境不致處處窺伺其形似弱而其策萬全不知者反議銘傳銘傳嘆曰是惡知我之深謀也至是法人果三犯滬尾皆受創而去滬尾守將孫開華尤善戰 秋七月法國海軍攻燬福州馬尾各砲臺並擊沈兵船多艘轟燬船廠法人乘上海議和之

際潛駛兵船入泊福建馬尾等處合口內外都十四艘而福防僅兵船七艘船二督防三品卿銜侍講學士張佩倫屢請先發請南洋互援皆不得御史劉恩溥奏請於陸桓劉銘傳二人中簡任一人暫權閩督亦不報時英美觀戰船與法國銜尾以牽制奇兵兩提督又時以調處來告懈軍心相持四十餘日軍士皆面目憔悴無人色既敵稔知閩中節彊畛域士卒孤疲遂乘雨後潮急順風來擊時飛雲兵輪督帶朱將高騰雲手發巨礮擊其烏波船一命中以一飛雲小艦當敵入三大艦中流堅拒不退忽橫來一礮騰雲船為之折後一礮遂飛入水中而沒舟乃發火福星輪船管駕五品軍功陳英見英美船隊下急起投誓衆曰吾船與敵俱小非深入不及敵船敵以三船環之英轉換甚靈放礮亦捷酣戰至一時之久舟中樓損人亡不顧但以礮向法提督孤技船孤技船中礮小却敵復增船來攻英舟中礮於望台學生王連隨殉船始焚燬英美觀戰者均稱嘆不置為之深惜云是役計七兵輪兩高船及艇哨各船均燬守備許壽山葉琛五品軍功林森林皆力戰死兵士死者二千餘船廠半燬而法亦燬六船焚溺三百人事歸佩倫如章均交部議處而言論者不已後均發遣軍臺八月廣西提督蘇元春等敗法兵於越南陸岸縣元春督軍與法國陸師鏖戰於陸岸縣之對河敵兵盡燬又擊燬南岸敵船一艘平燬陸岸軍臺尋敵船駛至陸岸船頭地方水陸撲犯元春與總兵陳長分兩路迎擊兇敵甚衆提督方友升等與法師戰於郎甲敗績是年春閩淮軍既敗於北寧廣東陸路提督楊玉科領廣武三營屯觀音橋閏月法人由郎甲進攻觀音橋提督萬業以所部四千屯橋南當前敵玉科與提督王洪順屯橋北為後勁萬業戰稍挫退至橋北法軍從之入千總齊裕明急出萬業復登北角絕頂發礮下擊別伐兩

哨於山之左右。麓橫截敵軍之要。敵軍悉力禦盾上軍。不虞伏兵之驟出也。驚而潰。追至郎甲。賊
凡銳卒數百。旋奉電旨。進入鎮南關。法人的退東京。乃止。退北寧。裕明說玉科謂法人詐和。必不
可信。宜乘機進兵。會有百派員赴敵境偵探。裕明應命。往七月。歸龍州。說鼎新宜進兵。是月。玉科
率提督方友升。總兵周壽昌。諸軍出屯郎甲。距觀音橋八十里。是月。越南敵民送豕羊犒軍。報法
人。且至。友升曰。我軍裝未齊。營壘未固。不能速戰。教民去不二日。而法兵大至。隱深林中。軍中不
之覺。昧爽。忽聞砲聲。友升猶曰。軍士試取耳。俄而開花彈落營中。炸死十餘人。始知敵至。時蒸雲
未散。軍士各散。就荒村為食。壽昌率二千五百人。駭而奔。友升以千人亦奔。法兵萃於玉科營。圍
之數十重。裕明以親軍三百。且戰且掘坑。朝至日昃。敵人數萬。衝突數十次。卒不得入。左右勸裕
明走。裕明回顧。見四面皆法兵。不見援兵一人。望玉科中軍。圍尤厚。不知存沒。乃慨然曰。戰死。鏡
走亦死。鏡。寧戰死耳。左右曰。主帥猶在。即欲出。亦必殺入。時天已昏黑。乃口銜匕首。右手縱火
彈。左手持馬刀。驅而斫。左右隨而馳斫者。二百餘人。敵兵皆披靡。竟入中軍。玉科左右。僅數十。尚
據內濠。力戰。裕明於是銜玉科出。士卒死者。又五十。傷者四十餘。存者百人耳。玉科既出。左右僅
三人而已。是役也。玉科懲賞。敵宣前事。拒教民不使見。而友升不知。教民皆敵軍間諜。遽納之入。
且以誓語之。故及於敗。軍士死千餘。敵軍死者亦相當。而玉科裕明之能軍。乃大者。冬十月。蘇
元春等。擊敗法軍於越南。紙作社。法人自船頭。敵噴後。退至紙作社。築壘據守。潘鼎新遣蘇元春
督副將李應章。參將黃雲高等軍。分兩路設伏。令陳嘉引兵前往撲擊。戰方酣。伏兵乘之。陣斬敵
將四。兵百八十餘。奪獲鎗械甚夥。敵兵敗入紙作社。中堅守不出。十一月。提督劉永福等。攻

復越南之宣光興化山西三省各府州縣永福於是年八月受招撫詔以提督記名令進兵該復越南各地九月永福進攻宣光屢有新獲是月法兵乘霧引兵出城直撲永福副將吳鳳典營永福督鳳典軍由中路迎敵五品京銜主事唐景福督部將談敬德等會永福部將黃守忠軍攻其左岑毓英所遣游擊張世榮及參將謝有玘陸海涵等真軍攻其右三面夾擊擊敵甚眾敵兵仍逃入城於是宣光省屬之安平麻陸安州雷化州及宣光城屬之連山同安中門安嶺各縣興化省屬之鎮安文振安立各縣山西者屬之夏和清波兩縣各地方皆復十二月法船攻浙江鎮海口提督歐陽利見等擊卻之先是總兵吳安康率南洋兵船五艘援臺灣於浙江海面遇法國兵船自沈二船餘退入鎮海口法人進攻鎮海口利見親督諸船與砲臺兵合力轟擊孤拔坐船受傷各船乃相率駛出

十一年春正月諒山失守法兵進攻鎮南餅提督楊玉科力戰死之上年十二月間法人增兵進逼諒山以全力進攻蘇元春閏十二月夜元春奮力擊擊敵尸遍地潘鼎新空諒山之防軍隊往助失利引退諒山遂不守諸軍皆屯關內玉科獨屯關外十五里之文淵州距法軍僅五里是日昧爽敵軍來犯窺裕明陣中傷當前敵使徐占魁據左營廖應昌據右營玉科駐大塘嶺上督戰後裕明陣里許甫交鏖敵中占魁足速回營應昌懼而奔一軍隨之獨裕明督所部力戰敵入分兵從右嶺入玉科見廣昌敗慮裕明力單遂提督劉思河率中營親兵助之裕明方發鎗砲彈已洞穿思河胸中玉科股及腰裕明不知玉科陣亡正遣紅箭中軍領子藥紅箭還報玉科死狀裕明大號曰帥死我何生為諸人有不懼死者請從我為帥復仇皆笑曰願從死前突敵陣斬五盡

余線敵將一法總統之塔也。是時砲聲如雷。雲子飛如風雨。鎗連環發。如飛火。震死者空中墮。度下如倒排橋。飛彈中裕明洞右頰而出。裕明不自知其傷。持馬刀當敵衝而進。軍士皆大哭曰。統帶戴花矣。戴花軍中隱語中砲也。爭狀擁入關。裕明猶不行曰。吾當死此。左右始之謂玉科尚未死。乃強舉之入關。敗報至京。鼎新王德榜俱革職。以提督蘇元春督辦廣西軍務。按察使李東衡護理廣西巡撫。二月前廣西提督馮子林王德榜等攻克文淵州。克復諒山。先是法人攻陷鎮南關。前隘隘北五里有三山如品字。曰小南關。子材統十營。三營屯山上。七營屯山下。是日敵人以奇兵趣開東橋。出間道奪小南關。游擊雲裕明方養創。慈祥開砲聲。裏創飛騎至。則馮軍已攻下山。裕明從山北衝上。馬刀砍敵人。敵人披靡。於是諸軍相繼登德榜屯油隘。亦開砲聲。連都司陳得勝。問道赴援。留祈帳油隘為疑兵。而自率親軍。延放火箭。橫敵入關。截敵人輜重。敵人前後受傷。乃收走南方卑溼。春華方生。洋人革履滑帆。頭入草中。迫追兵。又不得正路。窮急哀呼相聞。諸軍乘勝窮追。斬敵數千。敵人被殺。急則投鎗降。脫帽為禮。以手捍頭。自是法一戰不復。登賊文淵。敗諒山。敗谷松。敗成坡。敗長慶。敗船頭。由北而南。八日夜。退二百餘里。法人懼。請成遂與議。和命越南臺灣等處停戰。夏四月。李鴻章等與法使已特納在天津會訂和約。十款。成初由總統務司英人赫德力請。仍與津約。與法人重議詳細條約。於天津簡明條約外。別無要求。蓋是時中國於諒山獲勝。法政府因之有所顧忌。增兵籌餉之費。在議院否決。故和約遂成。凡十條。所謂越南新約者也。今撮其大意。列之如下。一。准法國在越南僻處安撫。惟不得侵犯中國邊界。二。法越南後自立條約。或已定者。或續立者。均聽辦理。言明必不至有礙中國威靈體面。三。此約畫押後。

六個月內由中法兩國派員會勘中國北圻界限四准法國人民及別國人之居住越南者先領
護照過界入中國五開通商稅關一在雲南保勝以上（後定蒙自）一在廣西諒山以北（後定
龍州）六法國商人運貨進出雲南廣西邊界應納各稅照現在通商稅則裁減七中國在兩數
省擬造鐵路法國須盡力補助八此約內所載通商各款及將訂各項章程應俟換約後十年之
限滿方可增修凡此約畫押後法兵退出基隆臺灣澎湖並除去在海面搜查等事十中法兩國
前立各條約章程除由現議更改外仍餘仍應一體遵守約既就即於北京互換已德納請將桂
軍前復法國弁兵九人擇回而擄去平安輪船弁勇七百餘人亦全數交還降將阿參聖仍留中
國軍營

編者曰法越事起三省會師出關乃其戰事之結果至於震動海疆數省耗帑金二千餘萬卒
並越南善屬付之法人設使無諒山一捷法人不允議和當日中之為中未可知也先民有言
曰兵凶戰危可不懼哉至於馬江之役人多以咎張氏然其職任不過學士而會辦海疆事宜
耳畜生夙不知兵受任於倉猝之際號令不專兵將不習政府又刀禁其先發一督一撫一船
政大臣皆袖手旁觀由於張氏任京職時好言事權吏側目久矣此時則惟幸其賦特假手
於法艦之以取之耳聞張氏出京時聞張錫氏執其手而語之曰君其為善毋為張蓋亦自知其
必敗而不得不住殉之也况法帥孤援以是役傷於礮卒斃局雖毀不敢進趨省城張氏之
功似亦足以掩其過矣倘較之甲午之役其得失為如何哉

清史紀事本末卷六十一

藩屬之喪失

德宗光緒五年春閏三月日本滅琉球。夷為沖繩縣。琉球在中國東南大海中。康熙二年冊封琉球國王。自是貢舟三年一至。原部三十六島。好塔如。龍流。鮑故。稱琉。後改琉球。北部九島中。部十一島。南部雖有十六島。而周迴不及三百里。北部中有八島。當咸豐時。日本乘中國多事。引兵佔據。僅存一島。同治十年。以琉球人漂流臺灣。為生番所殺。日本人藉此起釁。爭琉球為其版圖。出其國史相證。據書明萬曆三十七年。義久取琉球。其後書琉球入貢者十。日本寬文十一年。當中國康熙十年。天和二年。當康熙二十一年。享保三年。當康熙五十七年。寬延二年。當乾隆十四年。明和元年。當乾隆二十九年。寬政二年。當乾隆五十五年。又八年。當嘉慶元年。文化三年。當嘉慶十一年。天保三年。當道光十二年。天保十三年。當道光二十二年。當日日本駐京副使柳原前光。以此與總署反覆辯詰者累日。未幾有日人四名。亦漂至臺灣。遭害。日廷乃以兵向臺灣。要索銀五十萬兩。始罷兵行成。而琉球主權已陰讓於日本。政府不之覺。及光緒初元。英人爭滇案。法人擾越南。俄人駐伊犁。日人逆乘間遣人傳日皇旨。令琉球停止中國貢使。其國王答以久為中國藩封。不便擅廢。因使人來告。時政府以新疆軍務方急。中西交涉事繁。竟不之顧。至是日。本發兵艦至琉球。執其王尚春。以歸。廢之。尋改其地為沖繩縣。封尚春侯爵。

七年春二月。諭總理各國事務衙門。再向日本使臣妥商琉球案。上年二月間。日本人竹添進一至天津。謁直督李鴻章。議結琉球案。稱其政府之意。擬以北島中島歸日本。南島歸中國。又以前與中

國所訂約章無一體均霑之條與諸西國獨異欲援照加入鴻章以其將球事與約章混為一索近於要挾嚴拒之旋日本公使穴戶環屢至總署值結球案益知中俄之約未定意在乘機挾制而美前總統格蘭德復出任調停亦主張劃島分隸之說鴻章因就詢在津之球人向德宏知南島枯塢球人得之仍不能自立而球王及其世子日本又不肯釋還鴻章遂致函總署謂俄事方殷日人藉肆要求允之則大受其損拒之則多樹一敵惟有用延宕之一法以為對付俟俄事既結再理球案則力專而勢自張總理王大臣難之懸球案不遽結至是俄約成詔以存琉球宗社及劃分兩島事命總署與日使商訂後穴戶環以未滿所欲悻悻而去至越南新約成日本乃援法以為例於是琉球終歸日領矣

九年秋七月越南與法蘭西立新約十三條越南在中國南境本稱安南康熙五年封黎維禔為安南國王自後六年一貢嘉慶八年以後改號越南全境分為四部北曰東京中曰文趾支那南曰東埔寨極南曰下文趾支那咸豐同治間屢次與法人構兵連失西貢附近之三郡及南部文趾支那東埔寨等地結西貢條約認越南為自主國實為法之保護國政府尚未之知也光緒八年復籍名保商以兵船駛入河內攻陷之是年二月陷南定河陽及廣安寧平二省分兵攻陷東京順化破臺至是迫越人割東京以議和訂約十三條其第二條云嗣後越南為法之保護國非法國許可不得與他國交通約成越人始來告

十一年夏四月大學士直隸總督一等肅毅伯李鴻章與法使議和於天津訂新約十款成中國為越南與法人構兵連年法人以海軍奪海南踞臺灣直搗福州轟燬船廠艦隊幾盡其陸軍

在東京。先後為劉永福馮子材蘇元春等所擊敗。是年二月法人攻小南關。子材復擊走之。諸軍
拔隊窮追。連蹙之於文洞。於諒山。於谷松。於威波。於長慶。於船頭。追奔二百餘里。賊始盡。方敵
之大挫於文洞也。其國人大譁。議院諸人多營議政府。其勢難持久。持乃潛託總稅司赫德為言
於李鴻章。以議和。政府尚未知諒山之捷。遽允之。時駐法使臣曾紀澤密電法國情形。請力戰。不
報。約成。以越南讓法。冬十月。英吉利由印度進兵。滅緬甸。緬甸在中國南境。於乾隆十八年入
貢。其冬。國內大亂。酋長蘇哈祖為白古人撤翁所敗。擒而沉之江。撤翁據阿瓦。翌年。緬屬之木梳
頭土司裂藉才起兵。攻走撤翁。遂王緬甸。漸以兵脅服諸土司。於是東至整大。荒邁。孟良。孟茂。西
北至璧暮。木邦。孟拱。均為緬屬。西南邊外。騷然。滇督劉岳揚應瑞前後。以失機獲罪。將軍明瑞大
學士傅恒等屢出師征之。不能克。遂與議和。還師。而貢使終不至。迨暹羅興而緬勢稍替。五十三
年。緬酋孟雲畏暹羅之侮。遣使入貢。返俘虜。五十五年。復具表乞封。願十年一貢。許之。由是按期
入貢。道光二十三年。英人侵略印度。以兵船駛入緬甸內港。偪柳城。緬人割阿薩母阿羅漢。迷乃
式里母地方予英。始定和議。咸豐年間。又以怒江口通商埠頭之土官抽稅繁重。英人復以兵船
至。即前再創北沽全土界英。自是緬人以迭被英人侵凌。中國不能救。遂存輕視。而貢竟絕。至光
緒元年。又遣使入貢。及法人擾攘安南。英人復先攻奪緬甸。傳海半國之地。即今所謂南緬甸
者也。至是。英人乘中國因法越事。厭兵之際。又由印度派兵襲緬。一舉而滅之。事聞。命駐英使臣
曾紀澤與英外部抗議。立君存祀。俾守十年一貢之例。不可得。後由總署與駐京英使歐格納訂
立緬約。始允存貢之議。其第一條載明。每屆十年。由英廷派緬甸大臣循例舉行。所派之人。應選

緬甸國人等語中國爭得納貢之虛名而實利全歸於英矣

二十年春三月朝鮮東學黨滋事。朝王朱乞援許之。朝鮮在中國東北境。自梁貞明四年王建統
一朝鮮半島。更國號高麗。至明洪武二十五年李成桂受明冊封。復號朝鮮。世為中國藩屬。咸同
間法英兩國與之構難。政府不之問。同治十二年日本又與有違言。以兵艦入其燕華島。受遭破
擊。日人與兵問罪。以其為半主之國。依公法。其外交當由上國主之。因遣使來問。政府復以畏事
之故。遞答之曰。朝鮮國政中國素不與聞。貴國自與理論可也。於是日人於光緒元年正月與朝
鮮訂立和約。其第一條。日本以朝鮮為自主之國。與日之本係自主者相等。五年。英美德法諸
邦相繼往朝鮮。求互市。朝鮮拒之。時李鴻章不明國際法上對於屬國之權利。及屬國無外交之
公法。貿然致書於朝鮮國相李裕元。勸其與各國立約。且以關於政府。謂藉此備禦俄人。章制日
本。六年。駐日使臣何如璋上書總署。倡主持朝鮮外交之議。請駐紮辦事大臣於朝鮮。鴻章大不
謂然。謂賴然代謀。還有交涉。各國將惟我是問。殊為棘手。不若密予維持保護。尚覺進退裕如。八
年四月。朝鮮與美國立約。朝命道員馬建忠提督丁汝昌前往。滋監放英法兩國先後與朝鮮立
約。皆由建忠介之。八月。朝鮮却監督兵。以索餉譁變。藉清君側為名。殺大臣及辦外交者數人。並
攻日本使館。戕日本人數人。日使花房義實就而免亂兵。入王宮。殺王妃閔氏。並囚國王。熙興世
子。垢大院君。徐出鎮撫之。大院君王本生父。是應也。熙嗣位時。年如康穆。太妃趙氏委任。是應綜
理國事。號為興宣大院君。攝政十年。力持鎖國主義。致屢召外兵。既反政。王柔仁閔妃來政。銳志
求接開海禁。聯外交。一反大院君所為。國事遂變。大院君寢不平。故亂作。日本乘釁。以兵艦至朝

鮮朝鮮使臣參判金允植侍講魚允中在天津聞變遂乞師時鴻章已以母喪假歸著直督張樹聲以聞命廣東提督吳長慶率登州戍卒三千東渡至漢京誘執大院君送天津詔安置保定令其閉門思過其黨百餘人悉捕殺之朝王依日本之要求給以償金開埠及駐兵定約而返時侍讀張佩綸請派朝鮮通商大臣理具外交之政事下鴻章覆奏仍護前說貪一時之省事假名器以畀人自是各國皆不以中國藩屬待朝鮮朝鮮政府時分新舊二黨舊黨附中國就事大黨新黨附日本號獨立黨十年十月附日黨金玉均洪英植等作亂殺其大臣閔台鎬趙寧夏等召日兵入宮中國駐防提督吳兆有（先是有人奏日朝約中如兵費及駐兵兩條所關甚大道義為建忠實主其事且尤由中國商局代借賠款認問長慶長慶亦歸罪建忠謂其擅預日約任性妄為遂與鴻章成却其年三月鴻章撤長慶歸戍旅順口留三營駐漢京以北有統之兆有長慶部將也閔五月長慶嘔血卒於旅順軍中與辦理商務委員袁世凱助勤王兵殺英植等護朝王入宮玉均等出奔日本日本公使竹添進一雙使館走仁川之濟物浦十一年正月日本遣宮內大臣伊藤博文來天津訂約載明將未朝鮮有事中日兩國欲派兵往必先互行知照於是朝鮮又成為中日兩國公同保護之國是年三月朝鮮又有東學黨之事黨中人皆富於革命思想因抵制日幣事黨首崔福成倡會於全羅道之古阜縣舉國響應朝鮮政府發兵捕之黨中迎拒兵大敗遂陷全州將僑王京世凱亟電鴻章稱朝鮮亂黨猖獗朝鮮決不能自平請派兵助剿鴻章遂發兵向牙山一而遵休津約使駐日使臣汪鳳藻照會日本日本遂亦派兵往中國援師行至中途而朝鮮亂黨悉平之報暨夏六月日本兵入朝鮮王宮幽朝王使大院君主國事流其大臣閔泳駿

等。日兵既入漢京。中國兵亦至。屢請同時撤兵。日人不允。屢求協助。干預朝鮮內政。中國亦不從。且申明朝鮮為中國藩屬。日本則責中國背津約。謂朝鮮無待於中國。無端發兵。欲借端以開戰。局是曲在中國也。於是其使臣大島圭介。首責朝鮮獨立自主。勿認為中國藩屬。復以改革內政五事要之。朝王不應。圭介乃率兵入宮。殺護兵。囚朝王。政令無鉅細。皆日人。究論時世。凱歸國始為戰備及戰事開。中國屢見挂於日本。海陸兵力俱盡。乃命鴻章赴日本講和。磋商三月。款議始成。遂以明年正月訂約於日本之馬關。其第一條。載明中國認朝鮮國確為完全無缺之獨立自主。所有對於中國修貢獻典禮。嗣後全行廢絕。於是日皇自大本營還東京。受其國人之慶祝。朝鮮王獨立稱帝。改國號大韓。建元无武。而朝鮮與中國二百七十五年之關係。自是斷絕。

冬十二月。英法二國協商。保證暹羅國獨立。暹羅在中國南境。即古扶南。自乾隆四十六年。航海來貢。政府因而冊封之時。緬甸勢力強。進侵邊地。暹羅頻掣其肘。以遏其方張之勢。實有功於中國。自是列於朝貢之邦。先後賜御書扁額。曰天南樂國。曰夾版屏藩。道光中始與英人締約。各國繼之。羣認其獨立。暹人亦思自振。勵朝貢之典禮。遂致及咸豐初元。太平軍起。東南披靡。風聲播及南洋。西人又加煽惑。暹人信之。將棄此服屬國名義。同治八年。遣使來上書。請廢貢獻之禮。以後贈獻方物。彼此授受儀式。當與西洋諸國同。政府拒之。光緒四年。曾紀澤使英。途過暹京。諷令照舊入貢。還不允。但請立商約。又拒之。五年三月。遣廷恩。接到駐暹英領事轉遞中國賀禮。札文蓋英官以戰船假中國旗號。偽云貢貢之師。以脅暹人。使之求助於彼也。暹王知之。向臣下具道所以。歷年欠貢之故。因貢表內前用跪其字樣。近已改用西禮。不無望礙。然卒莫為代。建於中國。

者故不能不與英人倍加親密云先是暹王久拉即古爾格羅以勢孤意怯下令改朝易服禁蓄
奴與教育開道路定法律更幣制整頓林業等事皆效法西俗國勢稍充然介於英法兩大
之間法既以交趾支那東京為屬地以東浦寨及南部越南為保護國又脅暹羅以湄公河東一
帶為法國屬暹羅官方拒之不得許以所索之地並償金五百萬法郎克以和時十九年事也法
既伸張勢力於暹羅英以屬土與暹毗連恐法人侵及緬甸至是與法人訂約互不得侵佔暹羅
片土至一千九百零四年四月八日雙方在倫敦簽押宣言確定英法兩國在暹羅政治上之地
位並保證暹羅獨立云此外中國之藩屬如蘇祿國在中國南海中雍正五年入貢乾隆五年內
附至是以三島獨立而所屬之東婆羅州已割歸英公司南掌國一名老撾在中國南境雍正九年
內屬乾隆以後國土分裂西分服於緬甸其大半後為土司專轄其南方則於光緒十一年中英
訂結滇緬條約時英外部侍郎克當晤駐使曹凱澤稱英足額將潞江以東之地讓還中國其中
北有南掌政府不受迨暹羅獨立南掌遂歸附之布魯克巴國即不丹在中國西藏東南境雍正
十年末屬今稱獨立國哲孟雄國即錫金在中國西藏南境康熙五十九年歸屬光緒十六年英
人脅服之朝命駐藏大臣升泰與英劃界哲孟雄國遂盡入於英博羅爾國即帕米爾一作波徒
羅在中國新疆葱嶺之西境乾隆二十四年納款自英俄環伺遠北迤西屬俄遠南則附於英屬
之阿富汗國阿富汗國即愛烏罕在巴達克山國之西南乾隆二十九年入貢光緒五年英人佔
領之巴達克山國在葱嶺之西境乾隆二十四年末獻回酋齊爾占兄弟之誠遂歸誠布哈爾國
在葱嶺以西乾隆二十九年因巴達克山國請內附浩罕國即教罕一作霍罕為葱嶺西回國乾

乾隆二十九年來納音哈薩克國即吉利吉斯族西人稱曰韃靼里包新疆西北境乾隆二十二年
征厥布魯特國包新疆西南境乾隆二十三年遣使來朝以上四國今皆為俄屬廓爾喀國一名
尼泊爾又稱巴勒布在西藏西南境乾隆五十五年大學士福康安等奉師征之兵敗赴軍前降
乾竺特國一名坎巨提又作喀楚特在新疆西南境乾隆二十九年來貢方物自是除廓爾喀尚
修職貢乾竺特尚為內屬外舊日國藩竟無一存者矣